

Dia Mundial di Salud Mental

Salud Mental di e adolescente den un mundo cu ta cambiando.



BRIYANDO FUERTE • TRECIENDO CLARIDAD

Diahuebs 11 di Oktober 2018

E-mail: solodipueblo@gmail.com Prijs: Afl. 1.65 + 0.10 (bbo, bazv, bayp) = Afl. 1.75

URATACA CENTER

Awe Diahuebs 11 di Oktober

Carni Stoba, Aroz, Funchi & Banana

Tel. 585 5212


Prome Minister, mr. Evelyn Wever-Croes:

CAFT TA DUNA CONSEHO POSITIVO RIBA PRESUPUESTO 2019

“Nos no a sali di e crisis financiero ainda, pero nos ta riba e bon rumbo”

Minister Dangui Oduber:

Situacion na hospital ta consecuencianan di un Done Deal



Minister Armando Lampe:

APERTURA OFICIAL DI ‘NOS HOFFI’ NA SCOL CAIQUETIO

“Ban planta un simiya awe, pa nos por cosecha mañan”



Venezolana di 21 aña mester a sirbi su futuro casa henter dia den cas, suno

Esaki bao promesa di matrimonio


ARUBA SOFTBALL BOND Hunto cu CONSURSA ta presenta

Promer Campeonato Oficial Femenino Major Suramericana Cuminsando October 27 te cu November 2, 2018

Weganan ta tuma luga na Veld di SV Dragon Hitters na Barcadera y Veld nan na Pos Chikito



Paisnan participante:
Aruba, Curacao, Brazil, Argentina, Colombia, Venezuela, Peru y Panama



GRAND FINALE November 2, 2018 na veld di SV Dragon Hitters cu Tsunami y DJ Alvin



Dia Mundial di Salud Mental

Salud Mental di e adolescente den un mundo cu ta cambiando.

Dia 10 di Oktober mundo completo ta celebra 'World Mental Health Day' e aña aki WHO a scoge e tema 'Young people and mental health in a changing world' di e manera aki poniendo atencion riba e salud mental di e adolescente y e adulto hoben.

Durante e periodo di adolescencia y den e prome añanan como adulto hoben ta facitanan di bida cu ta conoce hopi cambio por ehempel cambio di school, bay studia den exterior of cuminsa un trabao nobo. Pa hopi esaki ta un temporada hopi exitante pero pa otro esaki por ta un temporada di hopi stress y den algun caso e sentimentonan aki por conduci na un estado mental no balansa, si no wordo reconoci y trata na tempo.

Mayoria di maleza mental ta cuminsa den adolescencia y no ta wordo reconoci of trata na tempo y esaki tin como consecuencia cu e maleza ta sigui avanza y te den edadnan mas halto



ta bira mas visibel. Segun Seccion di Epidemiologia y investigacion di Departamento di Salud Publico, suicidio ta e di tres causa di mortonan no natural. Pa aña un promedio di 6 persona ta comete suicidio pa un of otro motibo relaciona cu nan estado mental.

Suicidio por parce di ta e solucion pa un mente cansa, malo y for di balans pero esey no ta e realidad. P'esey riba e dia importante aki Departamento di Salud Publico kier concientiza comunidad con importante ta pa nos traha riba nos salud mental. Un des balance mental por pasa nos tur den un etapa di nos bida.

E importante ta pa nos reconoce esaki cerca nos mes pa por busca ayudo of na momento di señala esaki cerca un otro persona, tuma pasonan na trata di yuda e persona di un of otro forma prome cu ta mucho laat.

Cuido di nos salud mental ta ensera entre otro, acepta nos mes, papia y expresa

nos sentimentonan, come saludabel, sea fisicamente activo, relaha, practica un actividad cu nos gusta frecuentemente y pidi ayudo ora cu nos mester.

Un mente saludabel lo conduci na un bida saludabel y asina por pensa mihor, analiza y busca solucion pa problemanan cu diariamente ta presenta den nos bida.

Den Paardenbaaistraat:

Yiu adicto ta maltrata mama



Diarazon algo prome cu 1'or di merdia, presencia di polis a wordo pidi riba e parkinglot di Departamento di Labor, pa motibo cu un homber tabata maltratando un dama den un auto, dilanti di un mucha.

Na yegada enberdad polis a bin topa un Suzuki Swift color berde scur. Polis a acerca e auto y a bin

compronde cu ta trata di un yiu homber di 24 aña cu tabata maltratando su mama.

Polis a papia cu ambos. Aparentemente e yiu homber ta un adicto. E mama a pidi e agentenan policial pa bisa su yiu bon cla cu e no ta bay bek cune den auto. Tambe polis a splica e mama e



caminda cu e mester cana, pero e mama ya tabata bezig cu Slachtofferhulp pa busca un solucion pa su yiu cu tin e problema di adiccion.

Despues cu polis a tuma tur dato, nan a sigui nan caminda.

Prome Minister Evelyn Wever-Croes:

Minister Dangui Oduber:

Gobierno di Aruba a lanza su app nobo

Un app cu bo por keda den contacto directo
y estrecho cu gobierno



Gobierno di Aruba a lanza un proyecto inovativo, un proyecto nobo y un proyecto cu pa Gobierno ta hopi importante.

Ta trata aki di un App cu bo por download riba bo telefon y atraves di e App aki bo ta haya mesora tur informacion di Gobierno.

Segun Prome Minister di Aruba, mr. Evelyn Wever-Croes, durante conferencia di prensa, a haya informacionnan cu ta sali den prensa, bo ta haya informacion pa loke ta eventonan, bo ta keda den contacto directo y estrecho cu gobierno. Appnan riba celular no ta luho mas, nan ta mas normal, mas regular cu nan ta excepcion. Awor aki Gobierno di Aruba tin su propio app. Riba e app aki bo ta bay haya diferente informacion.

Esaki ta un corant digital. Gobierno di Aruba ta publica su propio corant digital cu yama "Isla Online" y e ta wordo publica tur atardi entre 5'or y 6'or. Tur dia, den e corant digital Isla Online, bo ta haya tur informacion mas recien di gobierno y cu esaki ta haci e liña di comunicacion mas cerca di comunidad. Kier muestra cu ta hopi importante pa pueblo ta bon informa. Un pueblo bon informa, por tuma bon decision pa su futuro. Kier elimina e fenomeno cu tin cual ta "fake news". Asina comparti e informacion corecto, veridico, real, e berdad, cu comunidad di Aruba.

E app aki ta completamente gratis. Kier meen no mester paga p'e tampoco. Si bo kier ta na altura di loke berdad ta sosodiendo na Aruba y den comunidad, atraves di e app aki por haya tur informacion.

E app aki tambe por sirbi pa prensa por haya su referencianan y e ta enfatiza tambe e importancia cual inovacion tin den gobernacion.

No ta papia solamente di inovacion. Prome Minister, durante e conferencia di prensa diarazon, a lanza e app aki.

Situacion na hospital ta consecuencianan di un Done Deal



Ta tristo ora cu nos mester deal cu situacionnan asina tristo, manera cu hospital ta pasando aden. Segun minister di Salubridad Publico, Deporte y Turismo, Dangui Oduber, riba un post cu el 'a pone riba Facebook, ta un proyecto cu lo bay costa mas di 1 biyon di florin cu a wordo comprometi.

Den oposicion fraccion di MEP a cuestiona, a critica

e proyecto aki y awe, un biaha mas MEP ta haya razon pa loke partido AVP, hunto cu su 12 parlamentarionan a p'e. Awe nos tur ta carga e consecucionan.

El' a termina bisando cu como minister responsabel, cu Man Duro e lo atende cu esaki. "Basta ta basta!"



SERLIMAR

Kockstraat 4 San Nicolaas

Tel: 524-5080

NOS RESPONSABILIDAD DI LIMPIESA

TA E MIHOR HERENCIA

Venezolana di 21 aña mester a sirbi su futuro casa henter dia den cas, suno

Esaki bao promesa di matrimonio



Den un reciente declaracion haci door di Fundacion pa Hende Muher den Dificultad, nan a splica cu e fundacion ta wordo acerca hopi pa damanan Venezolano cu ta wordo explota na Aruba den prostitucion.

Sra. Maduro a menciona cu entre tur e casonan cu ta yega na su conocimiento, unda e damanan ta haya refugio den apartamento di hende muher den dificultad, tabata tin un dama di 21 aña cu a bini Aruba bao promesa di matrimonio.

Estando na Aruba, su futuro casa a lock e den cas, unda e dama mester a sirbi e homber henter dia y move den cas henter dia sin paña, of mihor bisa desnudo.

"In het opvanghuis is recentelijk een 21-jarige Venezolaanse opgevangen die was gelokt met de belofte van een huwelijk. Direct na aankomst werd ze door haar nieuwe 'echtgenoot' in huis opgesloten en moest ze hem de hele dag ontkleed ten dienste staan."

E fundacion ta wordo acerca masha hopi mes pa yuda damanan Venezolano cu ta keda na Aruba na casnan priva, pero ta wordo usa, abusa y explota sexualmente.

Fuente: Zembla

Foto: Aruba doet bezig ta verf Edificio di Fundacion di Hende Muher den Dificultad.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Bus di Salud den bo barrio!



Instituto Biba Saludabel y Activo (IBiSA) ta traha entre otro pa facilita e accesibilidad na informacion di salud y asina mantene e pueblo bon informa riba e tema aki. Dialuna 15 pa diahuebs 18 di Oktober IBiSA ta brinda e servicio di e Bus di Salud den bo barrio.

Tuma e oportunidad aki pa haci bo chequeo di salud gratis. Chequeo ta encera: peso y haltura (Body Mass Index of BMI), cintura, sucu, colesterol y presion.

Bus di Salud lo ta staciona na e siguiente lugarnan:

Dialuna 15 di Oktober na Santa Cruz, banda di Wit Gele Kruis.

Diamars 16 di Oktober den e parkeerplaats di Carnival Village, San Nicolas.

Diarazon 17 di Oktober den e parkeerplaats di Compleho Deportivo Frans Figaroa, Shaba.

Diahuebs 18 di Oktober den e parkeerplaats di Lotto pa Deporte. Den caya Avenida Milio Croes.

Nos orario lo ta di 8:30 am – 3:00 pm. Na San Nicolas nos lo duna servicio di 9:00 am – 3:00 pm.

Corda trece bo AZV- card y no mester ta na yuna pa haci bo chequeo.

Pa mas informacion por tuma contacto cu IBiSA na telefon 582-4987 y tambe via nos Facebook page: IBiSA Aruba.

Na Tanki Leendert:

Digicel a presenta e Samsung Note9

Diarazon atardi durante un conferencia di prensa dilanti tur medio di comunicacion Digicel a presenta e Samsung Note9. Sr. Lincoln "Dello" Gomez y Alexander Tromp a splica e ventananan di e maraviyoso celular inovativo, cu ta inclui tur locual bo por imagina ta incorpora den e "gadget" popular aki.

P

asa personalmente na un di e sucursalnan y cu mucho gusto nan lo atendebo y yudabo cu cualkier pregunta.



Minister di Finanzas, Asuntonan Economico y Cultura, mr. Xiomara Ruiz-Maduro:

“Prijsnan maximo stipula pa productonan di canasta basico ya ta inclui BBO/BAZV/BAVP”

Den Pueblo hopi vez por scucha e discusion si riba productonan di canasta basico mester cobra BBO/BAZV/BAVP si of no.



Pa e motibo aki Gobierno pa medio di Minister, mr. Ruiz-Maduro hunto cu Departamento di Asuntonan Economico (DEACI) ta haya necesario aclarea e situacion y concientiza tur consumidor cu prijsnan maximo stipula pa productonan di canasta basico ya ta inclui BBO/BAZV/BAVP, den cada publicacion.

Aki ta trata di productonan den canasta basico cual ta aroz, azeta, cuminda di baby, hariña di maishi,

lechi polvo, lechi likido, margarina, manteca, koffie, te y sucu. Consumidornan mester tene bon na cuenta cu e prijs na caha no por surpasa e prijs maximo inclusivo

BBO/BAZV/BAVP calcula pa Departamento di Asuntonan Economico y Industria (DEZHI). Si bo persona paga mas cu e prijs maximo, por favor tuma contacto cu e Departamento di DEZHI na

telefono 521-2423. Ademas Minister di Finanzas, Asuntonan Economico y Cultura ta recorda cu tin un app disponibel den cual por verifica e prijs maximo di tur producto den canasta basico, por haya informacion di comparacion di prijs di producto den e macuto di compras y por haya sa e prijs di productonan petrolero.

Por download e app “Control di prijs”, cual ta disponibel riba Google Play y App Store.

Polis a boet un chauffeur cu a comete infraccion riba e caminda di Shaba



Diarazon mainta polisnan atento di distrito 2 a nota e chauffeur di un pick-up cometiendo

infraccion. Mesora nan a bay su tras y a dune un boet pa e infraccion cometi.

TA HUUR
Apartamento na
Savaneta
Tel: 565-9518

Polis a confisca auto involvi den un accidente

Ningun papel regla y tabata coriendo cu 2 diferente number riba e auto



Diarazon merdia a drenta informe di un accidente na e cruzada Emmastraat/J.G. Emmastraat. Mesora a dirigi un patruya pa e sitio. Na yegada di e patruya a bin compronde cu e chauffeur di e Suzuki blanco biniendo di nort no a para pa duna preferencia na e Hyundai color bruin biniendo di pabao.

Lo mas peor ta cu e auto no tin ningun papel na ordo y pa colmo dilanti tin un number y patras un otro. Mesora a confisca e vehiculo aki y a solicita un takelwagen pa hiba esaki na warda di polis.



En conexion cu Dia Mundial di Stroke

Fundacion C.V.A. Aruba lo organiza un Congreso tocante prevencion di derame cerebral (Stroke)

E ocurrencia di Stroke na Aruba ta sigui aumenta y edad di esnan cu ta sufrí un derame cerebral ta cada vez mas abao.

Un derame cerebral (Stroke) ta pasa ora e suministro di sanger pa parti di e cerebro wordo interumpi. Sin sanger, e celnan den cerebro por wordo dañá of por muri. E daño aki por tin diferente efecto, dependiendo cua parti di e cerebro ta keda sin ricibi sanger y nutrientenan. E ta afecta e curpa, movilidad, habla y tambe e manera di pensa y sinti di e persona cu a haya un atake cerebral.

Derame cerebral (Stroke) ta e causa principal di morto y discapacidad globalmente. Derame cerebral (Stroke) por pasa cu ken cu ta y na cualkier edad. Derame cerebral (Stroke) ta PREVENIBEL.

Pa concientiza pueblo Fundacion C.V.A. Aruba ta organiza un Congreso: "Stroke, Y Awor?" dia 27 di Oktober proximo.

E Congreso aki lo tuma lugar na Ocassions di 8:30 pa 16:00 y ta inclui un lunch. Prijs pa entrada ta fl 75,00.

Pa mas informacion y kaarchi, por tuma contact cu Fundacion CVA Aruba na number di celular 567- 7004 of 733- 0270.

CONSEJO PASTORAL PAROKIAL SANTA CRUZ

Invitacion pa encuentro cu Mgr. Luis Secco y Clero di Bisdóm na Misa "Inmaculada Concepcion" Santa Cruz

Den e siman di 15 pa 19 di Oktober, Clero di Bisdóm di Willemstad lo topa na Aruba pa un retiro spiritual. Durante siman lo NO tin Misa den tur parokia manera ta custumber. Si ta invita henter pueblo di Aruba pa bishita e siguiente parokianan unda lo celebra Santo Sacrificio di Misa:

Dialuna, dia 15 di OKtober na Misa "Santa Filomena", Paradera; diamars, dia 16 na Kapel di Alto Vista, diarazon dia 17 Misa "Inmaculada Concepcion", Santa Cruz y diahuebs, dia 18 Pro Catedral "San Francisco di Asis" na Playa.

Pa medio di esaki, Pastoor Jairo Maduro ta haci un yamada na tur parokiano y

fielnan di otro parokia pa asisti na e Santo Misa di gradicimento cu lo tuma lugar den su parokia "Inmaculada Concepcion" diarazon, dia 17 di OKtober. Prome cu Misa, lo tin un soft opening di e kapel di adoracion continuo, cu a caba di renoba. Pa 7:00 di anochi lo cuminsa cu Santo Misa concelebra pa Mgr. Secco y tur e Pastoornan di Bisdóm di Willemstad. Koor

Mixto di Santa Cruz lo canta durante Misa.

Despues di Misa tin oportunidad pa topa cu e Pastoornan cu ta di bishita na nos isla. Sea bonbini. Masha danki di antemano.

"Cu Dios di speranza yena boso cu tur alegria y paz pa boso abunda di speranza pa forza di Spirito Santo." (Romanonan 15, 13).

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Prome Minister Evelyn Wever-Croes:

Conferencia pa hefenan di
Departamentonan di Gobierno y nan
HR:

LIDERAZGO Y INTEGRIDAD



Den vision di Gabinete Wever-Croes pa Departamentonan di Gobierno ta pa pone integridad un prioridad. Siendo integridad un tema delicado, pa goberna un pais na e mihor manera, e departamentonan di Gobierno mester tambe ta riba e mesun linea di integridad.

Ta e intencion pa trece integridad cerca di cada empleado publico den tur departamento di Gobierno. Lo conscientiza tur empleado publico kico ta integridad y bon gobernacion y kico ta e consecuencianan ora cu reglanan di integridad wordo kibra durante oranan di trabao.

Pa e motibo aki, Departamento di Recurso Humano ta organiza un conferencia tocante liderazgo y integridad pa tur hefe di Departamento di Gobierno y nan HR. Hefenan di e departamentonan lo tin e encargo di presenta e puntonan di importancia di e conferencia na nan empleadonan.

Prome Minister, mr. Evelyn Wever-Croes ta enfatiza cu integridad tabata un punto di campaña hopi importante pa e partido cu e ta lidera, esta Partido MEP, como tambe ta keda un punto hopi importante programa di gobernacion di Gabinete Wever-Croes.

Bon Gobernacion ta depende riba tur departamento di Gobierno como tambe di cada gobernante di nos pais pa brinda e pueblo di Aruba e mihor maneho.

E Conferencia “Liderazgo y Integridad” ta tuma lugar diarazon 17 di Oktober 2018.

Prome Minister, mr. Evelyn Wever-Croes:

CAFT TA DUNA CONSEHO POSITIVO RIBA PRESUPUESTO 2019

“Nos no a sali di e crisis financiero ainda, pero nos ta
riba e bon rumbo”



Prome Minister, mr. Evelyn Wever-Croes a habri dia diarazon mainta compartiendo un otro bon nocitia pa Aruba: CAFT a duna un conseho positivo riba Presupuesto 2019. Riba peticion di Gobierno di Aruba, CAFT a controla Presupuesto 2019 y a duna su conseho. Gabinete Wever-Croes ta actuando asina riba e espirito di e palabracionnan cu Gobierno a haci cu Hulanda.

CAFT su conseho riba Presupuesto 2019 ta positivo. CAFT ta indica cu Gobierno ta haci bon di ta cauteloso den proyeccion di crecimiento economico. Gobierno a proyecta solamente 1% di crecimiento economico pa 2019 mescos pa 2018. Esakinan ta segun cifranan di Banco Central cu tal ves den curso di otro aña por sali un poco mas halto pero pa ta cauteloso Gobierno ta lague na 1%. CAFT a aprecia e decision aki y a duna un comentario positivo riba esaki.

Un otro punto positivo cu CAFT a indica ta cu Gobierno ta cumpli cu palabracionnan haci cu Hulanda. Nan ta confirma cu e presupuesto basa riba un deficit di 25 miyon cu ta 0.5% di GDP ta realistico.

Prome Ministro a enfatiza cu esakinan ta puntonan cu pa hopi tempo no a mira den un rapport di CAFT. Esaki ta trece mas tranquilidad. Nan tin recomendacionnan pa mehora e situacion financiero di nos pais y Gobierno ta trahando riba esakinan caba, entre otro e gastonan di personal. Gobierno a splica CAFT cu te asina leu por bay. Mas cu esaki nos pueblo no por carga!

Ta hopi importante pa señala cu den e presupuesto 2019 no tin mas aumento di belasting. Gobierno ta wardando riba e rapport di IMF pa reforma di belasting pa haci e sistema di belasting mas husto. Awor Gobierno falta pa haya e conseho di Raad van Advies pa despues Parlamento trata Presupuesto 2019.

“E conseho di CAFT ta wordo publica dia 23 di Oktober. Cu esaki nos ta pone Aruba poco poco pero sigur bek riba e rumbo corecto cu mester saca Aruba for di e debe cu a redobla y crea bienestar y progreso pa cada ciudadano di nos dushi Aruba. Nos no a sali di e crisis financiero ainda, pero nos ta rib’e bon rumbo”, Prome Minister Evelyn Wever-Croes a indica.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Minister Armando Lampe:

APERTURA OFICIAL DI ‘NOS HOFFI’ NA SCOL CAIQUETIO

”Ban planta un simiya awe, pa nos por cosecha mañan”



Diarazon mainta, Minister di Enseñanza, Ciencia y Desaroyo Sostenibel, dr. Armando Rudy Lampe tabata presente na e apertura oficial di e ‘Greenhouse’ na Scol Caiquetio. Den e ocasion aki tabata presente diferente stakeholder cu a adopta Scol Caiquetio. Scol Caiquetio pa e motibo aki tin e instancianan aki den nan curazon.

E actividad a hiba e nomber “Ban planta un simiya awe, pa nos por cosecha mañan”. Durante e apertura tabata tin diferente orador cu a entrega palabranan di encurashamento pa e school. Tabata tin presentacionnan bunita cu poeisa y canto. Tambe a hiba palabra Fundacion

STINAFO cu ta e instancia cu a yuda financieramente. Fundacion STINAFO ta un instancia estableci na Hulanda.

Despues cu e greenhouse a wordo bendiciona y e sinta a wordo corta, Minister Lampe a duna un discurso cortico pero hopi elocuente. E mandatario a gradici tur esnan cu di un forma of otro a contribui pa por yega na ‘Nos Hoffi’ cual ta nomber di e ‘greenhouse’. Tambe el a gradici Fundacion STINAFO, mirando cu ta hopi dificil pa Gobierno por financia proyectonan asina y sigur Gobierno ta contento ora cu sector priva coopera na bienestar di nos muchanan.

ARUBA SOFTBALL BOND

Hunto cu **CONCURSA** ta presenta

Promer Campeonato Oficial Femenino Major Suramericana
Cuminsando October 27 te cu November 2, 2018

Weganan ta tuma luga na Veld di SV Dragon Hitters
na Barcadera y Veld nan na Pos Chikito

**Paisnan
participante:**

Aruba

Curacao

Brazil

Argentina

Colombia

Venezuela

Peru

Panama



GRAND FINALE
November 2, 2018
na veld di SV Dragon Hitters
cu Tsunami y DJ Alvin



E Strea di Fin di Aña

Gran Premiere
23 OCTOBER 2018
9 PM - 11 PM

Presenta pa
Sandra Croes



Parlamentario di MEP, Edgard Vrolijk:

Reaccionando riba ponencianan di parlamentario Jennifer Arends-Reyes (parti 2)

Funcionhais

Den e dos parti di su reaccion Parlamentario Edgard Vrolijk ta lamenta cu for di 2016 cu e Funcionhais ta benta den parlamento, sra. Jennifer Arends-Reyes no a haci ningun esfuerzo pa pasa esaki y awe kier papia riba dje. For di veld a bin hopi obhecion y un di nan ta e descripcion por ehempel di cu un cabezante di school ta mescos cu e waarnemend, pero den schoolnan cu menos cantidad di mucha e waarnemend tin di duna les como docente y alavez ta carga responsabilidad mescos cu un cabezante pero no ta haya ningun compensacion. Banda di esaki e cambio lo duna e docente e prome aña algo mas di 20 florin di aumento y djis imaginabo un docente cu tin 56 aña y tin 18 aña cu mesun salario, cu e aumento aki con e lo sinti'e? Y sigur ora wak con su posibilidad di crece prome cu 65 aña ta nada. Y e manera con e peso di comunidad a baha riba docentenan, mi ta kere cu mas pronto posibel mester caba cu esaki pero sigur pasando algo cu tur hende lo por biba cune. P'esey mi a procura pa recientemente pasa un mocion den parlamento mirando e hecho cu e docentenan ta ser perhudica y tin varios cu ya a ser perhudica pasobra nan a laga 38 aña hopi tempo caba, mientras ta trahando riba

e funcionhais. E meta ta pa drecha y pa por lanta e edad di aumento, segun e estructura existente te cu 46 aña y p'asina por salvaguardia e grupo grandi cu ya a ser perhudica. Y lo ta bon pa Jennifer splica nan tambe y principalmente e consecucionan pa e cuerpo di docentenan pa loke ta e NPR 2014 cu el'a pasa hunto cu su gobierno pa nan pensioen.

Mi ta pone mi mail: edgard.vrolijk@parlamento.aw pa docentenan manda nan feedback riba e funcionhais pa mi por haci e cambionan necesario y procura pa pusha e ley aki y p'asina porfin e cuerpo di docentenan por sigui traha den tur tranquilidad.

Trahando riba mas school cu airco

Segun mi persona tin hende ta bin trabao pero ta na soño. Pasobra Minister di Enseñanza a anuncia e nombrenan di schoolnan cu ta na beurt pa yega na airco. Maske Minister su presupuesto ta limita y cu un school tranquilmente ta pasa 200 mil florin pa instalacion di coriente y airco, pero el'a crea espacio pa esaki. Banda di esaki Prome Minister y entre otro Minister di Turismo tambe ta haciendo rekensomnan pa nan por yuda den e proceso aki p'asina mas liher posibel otro schoolnan cu no ta riba e lista actual di Minister di Enseñanza tambe por yega na



airco. Y si Jennifer Arends-Reyes tabata tin e interes y voluntad den periodo di nan gobernacion, e por a logra pa tur school por tabata tin airco, si e no a permiti Richard Arends strica placa di NV's y tambe pidi banda di Green Conference pa pone placa pa schoolnan y no pa amigonan of famia hopi cercano haya contract pa drecha autonan den NV'nan. E prioridad di Jennifer tabata acomodacion financiero pa famia prome cu abo como docente y mi ta ret'e pa bisa cu no ta asina. Y pa loke ta Solar Panels, si tin di haci escogencia mi ta kere cu tur esnan cu no tin airco na school lo scoge pa airco prome cu Solar Panels.

Arubalening pa studia na

IPA aplicabel pa esnan te 40 aña

Motibo ta facil, tin scarcedad di maestro. P'esey minster a habri e espacio aki. Pero p'ami esaki lo no atrae un grupo grandi tampoco y lo no soluciona e problema di falta di docente. Nos tin di haci un evaluacion cuanto y den ki area falta docentenan. Y na eseynan bo ta adapta bo curiculo pa por tin mas mucha cu por studia diferente ramo den docencia pero tambe mi ta kere cu si nos aplica e sistema manera na Scol di Polis, esta di paga esnan den opleiding equivalente na ora bo ta drenta cu por ehempel 21 aña, lo haci'e mas atractivo pa haya mas mucha pa studia pa docente cu e ta actualmente caminda bo ta haya 6000

florin cada 6 luna. Pues den e direccion ey nos tin di bay y tambe hinca mas placa den inovacion p'asina nos docentenan tambe ta equipa pa futuro di enseñanza.

Tempo pa hunga populista a pasa caba y p'esey mi ta apela na cada docente pa revisa e funcionhais y mandami via edgard.vrolijk@parlamento.aw boso obhecion p'asina haci e cambionan pa por trata esaki mas pronto posibel den parlamento.

Uni nos por logra pero den desunion y hungando populista nos no ta yega niun caminda y spera cu Jennifer Arends-Reyes studia e materia aki y mandami su obhecionnan tambe.

Na Palm Beach:

Ford Ecosport a pega na candela den oranan di mainta

Diarazon mainta durante patruya na Palm Beach polis a nota un auto na candela. Mesora a solicita presencia di bombero na e sitio.

Na yegada di e bombero nan a domina full e candela.



Minister di Finanzas, Asuntonan Economico y Cultura. mr. Xiomara Ruiz-Maduro:

Trahando pa:

“Recobra e credibilidad financiero, stimula nos economía y brinda oportunidad di expresion di nos talentonan”

Cada dia ta brinda nos e oportunidad nobo pa haci e cambionan necesario pa nos Pais. Como gobierno nos ta trahando pa recobra e credibilidad financiero di pais Aruba. E mal maneho financiero hiba pa e gobierno anterior a pone nos Pais perde credibilidad financiero cual hasta a hiba nos Pais bao di supervision financiero di Hulanda por medio di CAFT.

Banda di esaki, e mal maneho financiero a trece consecuencia pa nos economia cu ta tranca desde 2015. Como Gobierno nobo sigur e ta un reto grandi pa trece nos finanzas publico bek na un nivel manehabel y sostenibel. E no ta un trabao facil, pero tampoco imposibel. Como mandatario nos a bin ta haci un esfuerzo grandi pa yega na un presupuesto realistico pa nos Pais den e apenas algun luna cu e Gabinete aki ta na mando. E esfuerzonan a wordo reconoci y pa 2018

gobierno a ricibi tanto den e promer como e segundo kwartaal conseho positivo di CFT riba e cifranan. Esaki ta muestra cu e ehecucion di Presupuesto 2018 ta bayendo den bon direccion y dentro di e cuadro financiero cu a keda fiha pa Parlamento. Banda di esaki e maneho como Minister encarga cu Economia ta pa stimula, desaroya y diversifica nos economia.

Gobierno su esfuerzo ta concentra den busca e mihor manera pa stimula e economia di nos Pais brindando e confianza cu comercio por conta cu sosten, guia y incentiva di un Gobierno cu kier mira companianan chikito y mediano forma un fundeshi fuerte pa nos economia. Dentro di poco nos lo anuncia e sectornan cu ta brinda oportunidad pa inversion y hunto cu nan e incentivanan cu Gobierno kier brinda pa facilita e



inversionnan necesario pa activa nos economia.

Por medio di cultura nos meta ta pa uni nos Pueblo, formando nos caracter como Pais, brindando tarima pa expresion di nos talentonan y oportunidad pa biba nos

propio cultura. Formando parti di Gabinete Wever-Croes, como Minister di Finanzas, Asuntonan Economico y Cultura nos tin un tarea grandi concentra den nos man, pero cu e confianza den e sosten deposita den nos abilidadnan y cu e bendicion,

forza, pasenshi y sabiduria brinda pa Dios, nos ta haci uso di e oportunidad cu ta presenta cada dia pa haci e cambionan necesario na bienestar di nos Pais. Nos ta convenci cu hunto nos ta logra e cambio cu nos Pueblo ta desea

UNCLE LOUIS STORE LO BIRA E LOCALIDAD NOBO DI DEPARTAMENTO DI NATURALEZA Y MEDIO AMBIENTE

Den e ultimo lunanan Departamento di Naturaleza y Medio Ambiente (DNM) conhuntamente cu Ministerio di Desaroyo Teritorial, Infraestructura y Medio Ambiente a dialoga ariba ubicacion di oficinanan di DNM ya cu e localidad actual no ta acomoda e fluho di trabao y e crecemento dinamico den responsabilidad di DNM.

E ta un honor pa DNM ubica su mes na unda antes tabata Uncle Louis Store. E localidad maneha pa Stichting Monumentenfonds (SMFA) tin su beneficiarionan. SMFA como propietario di edificio lo percura pa restaura e monumento debidamente, pero tambe ta garantiza un

mantencion apropia p’e edificio door di crea un plan di mantencion cu e mesun estructura cu ta implementa na e otro monumentonan cu ta propiedad di SMF. Asina nan ta garantiza cu e propiedad ta keda den den bon condicion. Nos departamento ta na fabor di preservacion di nos herencia cultural tangibel y tambe intangibel.

Den cuadro di inovacion, DNM a haci algun peticion pa cu e estructura parti paden, unda DNM lo favorece e concepto di “oficina habri”/“open space offices”. A reuni cu staff di DNM pa presenta e concepto y a duna e staff tempo pa analiz’e pa despues bay



bek n’e arquitecto cu tur sugerencia pa wak kico por y kico no.

DNM ta contento cu Monumenten fonds a tene cuenta cu local DNM ta para



p’e, pa lora ta trata aspectonan duradero manera: solar panels, water catchment system, LED lights, green wall y inverters.

Si tur cos bay segun plan,

DNM lo ta ubica den su localidad nobo na aña 2020. Mientras tanto, nos lo sigui duna servicio for di Bernhardstraat 75, San Nicolas.

Na Corsou:

Ministerio Público a organiza e prome Academy pa su trahadornan di Aruba, Corsou, St Maarten y islanan BES



Diahuebs 4 y diabierna 5 di di Oktober Ministerio Público (OM) a organiza pa su trahadornan den cuadro di Learning & Development (Enseñanza y Desaroyo) y Team Building un evento di dos dia. Coleganan di islanan BES, Sint Maarten, Aruba y Corsou tur a bini hunto. Diahuebs 4 di Oktober tabata tin pa promé biaha e Academy di OM na Corsou. E promé dia tabata den cuadro di Enseñanza y Desaroyo. E programa di mainta a cuminsa cu un charla di e psicólogo Micha van de Vorst. Den un forma interactivo e la trata e tema di con pa maneja situacionnan fuerte y violento

cu bo ta topa den trabao. Resto di dia coleganan por a atende diferente workshop. Por a scoge den workshopnan dirigi riba desaroyo di conocimiento huridico of desaroyo personal. Tabata tin suficiente espacio tambe cu coleganan por a conoce otro mas mihor. A cera e dia cu un actividad di teambuilding caminda cu coleganan por a demostra nan talentonan musical na un manera chistoso y interactivo.



E siguiente dia e reunion di Parkèt grandi (GPV) a tuma lugar. GPV ta un evento anual caminda tur colega di OM den Caribe ta bini hunto pa trata un tema specifico. E aña aki a toca

turno na e tema di Integridad. Den e trabao di OM, integridad ta un tema cu ta para central y ta di gran importancia cu coleganan por trata e tema aki hunto y siña con pa atende cu cuestionnan di integridad. Parti merdia tur colega a traha hunto den un session creativo na diferente pintura cu na final a forma cuater diferente cuadro. E cuadronan a ilustra caracteristico di e diferente islanan. Esaki sigur a contribui na e colegialidad di tur e participantenan. A cera e dia cu un brindis hunto cu tur colega cu a participa. Ministerio Público por mira tras na dos dia educativo y exitoso.

Minister encarga cu Infraestructura, Otmar Oduber:

Gobierno comprometi pa sigui desaroya San Nicolas

Despues di mas di 10 aña den ruina, edificio di Uncle Louis Store na Promenade San Nicolas lo keda restaura



Minister encarga cu Infraestructura Otmar Oduber, den nomber di Gobierno di Aruba a anuncia den un rueda di prensa, e restauracion y renobacion di edificio Uncle Louis Store na San Nicolas. E anuncio aki ta bin despues di hopi aña di negociacion y deliberacion. Un edificio cu hopi historia y cu unda mas di 10 aña pasa Douane

tabata ubica aden. Aworaki e ta un monumento cu lo wordo restaura y lo ubica Departamento di Naturaleza y Medio Ambiente (DNM) aden.

DNM su oficina ta situa na San Nicolas caba y considerando e tareanan amplio y responsabilidad di e departamento, e edificio cu e departamento ta aden

actualmente a cuminsa bira chikito. Considerando e diferente desaroyonan aki (entre otro), a scoge pa pone DNM den e edificio monumental aki, Minister Oduber a splica.

Monumentenfonds a adkeri/ cumpra e edificio for di Gobierno pa cual e proceso di 'aanbesteding' lo tuma lugar na final di November. Kier logra cu durante di e prome kwartaal di aña 2019, por incia cu e parti di reconstruccion y cu mas pronto posibel e edificio lo por bira disponibel pa DNM.

"E desaroyo aki ta forma parti di un proceso di inversion continuo den un area cu ta considera y ta sigui kere aden, cual ta San Nicolas como e ciudad di cultura y herencia. Manera treci dilanti na diferente ocasion tambe pa colega Minister Xiomara Ruiz - Maduro.

E proceso ta sigui pa desaroya e economia cu ta premira pa San Nicolas, poniendo un departamento mas di Gobierno den e area aki. Asina poco poco cada stenchi necesario ta wordo poni pa por logra accentua e aspecto di herencia



y cultura si San Nicolas. Diferente esfuerzo ta wordo haci tambe conhuntamente cu colega di Turismo Minister Dangui Oduber y Aruba Tourism Authority (ATA), cu anuncio di diferente proyecto pa atrae turista parti pariba di nos isla."

Minister Otmar Oduber a sigui splica: "Despues cu comunidad a mira e edificio aki termina den un ruina, ta mira cu a base di e determinacion cu tin pa San Nicolas ta pone cu ta yega na e acuerdo aki cu Monumentenfonds.

Ta gradici cada un di e

miembronan di directiva y di maneho pa haci esaki posibel. Ta felicita DNM cu proximamente ta bay haya un edificio monumental pa funciona for di dje y tambe gradecimento na e arquitecto y henter e team cu lo ta encarga cu ehecucion di e proyecto.

Finalmente Pabien na San Nicolas cu ta mira movecion y desaroyo tumando lugar un vez mas cu ta refleha e compromiso di e Gobierno pa cumpli cu San Nicolas como e centro di herencia y cultura y desaroyo economico nobo pa Aruba.

Dialuna Departamento di Impuesto lo reanuda servicio na MFA Santa Cruz

Departamento di Impuesto ta participa cu e siman aki te cu diahuebs dia 11 di Oktober, no por brinda servicio na Oficina di gobierno na Santa Cruz. Esaki en conexion cu mudamento. Diabierna, dia 12 di Oktober, lo cuminsa brinda servicio bek den su oficina nobo situa na MFA Santa Cruz.

E clientenan di e area di Santa Cruz cu mester haci pago di impuesto por acudi na MFA Paradera of otro oficina di Departamento di Impuesto.

Nos ta spera di por a informa nos cliente nan debidamente.

Segun Rene Bernabela di TOPA:

WEB mester cobra Ecotech 17 miyon bek

Sindicato TOPA a bin ta pasando ariba algun documento cu nan por a haya tocante tuberia di gas, cu e tempo aya, den e proyecto EcoTech/WEB di gas, cu no a sigui. Pa locual ta informacion y documentonan, e suma di locual cu e trabao cu supuestamente no a sigui aki, mester a costa 17 miyon florin. TOPA ta puntra ta con por ta posibel cu un director di WEB, mirando cu tin un proyecto di tuberia di gas, cu ta core di

Ecotech te cu WEB, awendia tin un contractbreuk, e director no ta busca manera pa cobra Ecotech e 17 miyon pa kibra e contract. Esaki ta un falta di respet, mirando e hecho cu ta papiando di baha e consumo di awa y electricidad pa cu pueblo, pero di otro banda ta wak un proyecto unda cu tabata tin un kiebro di contract.



Pero WEB no ta interesa pa mostra e interes pa bay bek na e comerciante aki, cu tabata tin interes pa bin cu e proyecto aki y cobr'e basa ariba e kiebro di contract. Ta papia di 17 miyon florin cu a bay perdi, den un proyecto cu no a bay door. Awor kier tira culpa ariba gobierno. Pero gobierno no tin e culpa, pasobra cu tin un herarkia, despues di WEB cu tin un caminda cu mester encamina. Ainda tin e Raad van Commisaris, tin e parti di Utilities NV y e parti di gobierno.

Despues di e sucedido, unda a kibra contract, cu e proyecto entre WEB y Ecotech no a sigui, mester a schakel in Raad van Commisaris, pa despues bay Utilities NV y na final acerca gobierno e parti di shareholder di mas grandi den e compania, tuma un decision pa kico ta bay wordo haci, di e kiebro di contract. No por ta asina cu e pueblo di Aruba ta wardando pa e bahamento di awa y coriente, gobiernonan anterior, cada biaha cu esaki wordo menciona, algo ta pasa cu e no ta sigui. Pero tabata tin un proyecto unda lo a suministra gas na WEB, pero no a continua. Awor WEB NV no kier bay cobra e comerciante e daño cu a wordo haci door di a kibra e contract.

Segun sr. Rene Bernabela, di TOPA, director di WEB NV mester asumi su funcion, y mester bay cobra e 17 miyon florin pa a kibra contract ocasiona door di Ecotech. TOPA ta haci un apelacion na e Raad van Commisaris di WEB y Utilities NV pa nan tambe tira un bista den e asunto aki y busca un solucion.

Pa recauda pa ultimo fase di drechamento di dak di Misa di Dakota:

TSUNAMI, ROBERT JEANDOR Y SBS, D'-LICIOUS Y 'N FUZION TA TOPA OTRO DIASABRA ANOCHI!



Diasabra anochi dia 13 di Oktober 2018 lo tuma lugar un fiesta bailabel sumamente interesante mirando cu 4 banda local lo topa otro cara cara riba un anochi. Ta trata aki di e bandanan Robert Jeandor y Su Solo Banda Show, D'-Licious, 'N Fuzion y Tsunami.

Tur cos ta programa pa cuminsa pa 9 or di anochi y lo tin animacion musical tambe di DJ Edson y DJ Vibes. Aruba ta hopi entusiasma pa e evento aki debi cu no ta tur dia bo ta haya e oportunidad di baila tur e bandanan aki riba un anochi.

Renaissance Convention Center lo ta e sitio di e evento aki cual ta uno hopi comodo pa por acomoda tur e bandanan y e publico. Sonido y Luz lo ta na encargo di Elite Productions & Entertainment. Por cumpra kaarchi door di yama 733-0505 of 562-8624 of pasa na Sandra's Garden.

Importante pa mencion ta cu e fondonan di e fiesta lo bay pa por sigui cu e ultimo fase di drechamento di dak di Misa di Dakota.

Pues ta invita esnan cu ainda no tin nan kaarchi pa cumpra esaki mirando cu no tin mucho lugar mas.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Gobierno di Aruba conhuntamente cu Monumentenfonds ta anuncia proyecto di renobacion y restauracion di Uncle Louis Store



Stichting Monumentenfonds Aruba (SMFA) ta contento di por anuncia un proyecto nobo cu lo cuminsa pronto. E fundacion lo restaura e edificio di Uncle Louis Store completamente. Aña pasa a logra finalisa e compra di e edificio y despues di tur e preparacionnan necesario pa e proyecto nos por comparti e bon noticia aki cu e comunidad di Aruba.

Actualmente SMFA hunto cu e arquitecto cual ta sr. Leo Ponson di Archiosa ta trahando riba e diseño- y documentonan pa por tene un destaho publico na November 2018 y asina prepara pa e trabaonan por cuminsa durante e prome lunanan di e aña venidero. Unavez e proyecto ta finaliza, Land Aruba ta bay huur e edificio y esaki lo bira e oficina nobo di departamento di Directie Natuur en Milieu. Durante restauracion ta bay introduci hopi aspecto duradero, manera panelnan solar, sistema pa recoge awa, luznan LED, "green wall" etc.. E monumento di Uncle Louis Store, conoci tambe bao di e nomber di ex - Douane Kantoor ta keda na skina di Bargastraat y Bernard van der Veen Zeppenfeldtstraat 7. Un edificio construi den añanan cincuenta, diseña pa arquitecto Jan Nagel y construi den un

estilo di "Nieuw Bouwen" tabata pa hopi aña edificio di Uncle Louis Store cu tabata un general store.

Na principio di añanan nobenta gobierno a cumpra e edificio y esaki a bira oficina di Aduana. Pa basta aña caba e edificio aki ta bashi y a bira tambe un monumento protegi. SMFA ya pa basta tempo ta den conversacion cu gobierno di Aruba pa asina por a cumpra e edificio. Como organizacion cu meta pa restaura monumento, Gobierno di Aruba a Opta pa bende e edificio cu SMFA bao condicion cu lo restaura e edificio aki y salvaguardia su estado como monumento di Aruba. Unavez cu caba cu restauracion di e edificio, lo ubica Departamento di Naturaleza y Medio ambiente den esaki. Durante e proceso di preparacion SMFA a duna autorizacion na Ateliers '89 pa haci uso di e edificio. Nan tin varios exposicion temporal den dje.

Stichting Monumentenfonds Aruba como propietario di edificio lo percura pa restaura e monumento aki debidamente pero tambe ta garantiza un mantencion apropiada p'e edificio door di crea un plan di mantencion



cu mesun estructura cu ta wordo implementa na e otro monumentonan cu ta propiedad di SMFA, pa asina nan por ta semper den bon condicion. Banda di e Watertoren y Nicolaas Store, esaki lo bira e di tres monumento y proyecto cu SMFA tin den e area di San Nicolas for di un total di diezdos edificio monumental y tres obheto monumental (p.e. Kalkoven Rancho). Asina aki SMFA ta sigui duna contenido na e meta pa preserva nos pasado pa futuro.



Staf di e unidad di “Financial Market Integrity” di World Bank, asistiendo Gobierno cu Evaluacion nacional di riesgo



Staf di e unidad di “Financial Market Integrity” cu ta forma parti di World Bank ta na Aruba pa asisti Gobierno di Aruba den evaluacion di riesgonan nacional asocia cu labamento di placa y financiamiento di terrorismo. Pa ehecuion y coordinacion di e evaluacion aki a establece un grupo di trabao presidi pa señora Kiki van der Werf di Banco Central di Aruba. E evaluacion tin como proposito identifica e riesgonan primario di labamento di placa y di financiamiento di terrorismo na Aruba. Lo ehecuta un analisis completo cu lo facilita diseño di un strategia adecua y mitiga accionnan. Esaki lo yuda aloca recursonan necesario pa un combatimento contra

labamento di placa y financiamiento di terrorismo mas efectivo y eficiente, mientras cu lo cumpli cu e standardnan internacional estableci pa, entre otro, e Financial Action Task Force (FATF). Gobierno di Aruba ta organiza, lidera y realiza e proceso di evaluacion di riesgo, tumando e instrumento di auto-evaluacion di e World Bank. Durante e bishita aki, staf asigna di World Bank lo asisti Aruba den comprende e metodologia di auto-evaluacion y uso di e instrumento aki. Di e manera aki, Aruba lo por genera e capacidad pa por evalua e riesgonan aki den futuro sin of cu ayudo minimo di agencia-/institucionan di exterior. E metodologia



di auto-evaluacion ta encera colaboracion estrecho entre diferente agencia gubernamental y

representantenan di e sector priva y publico. Desde 2010, World Bank a sostene ocho pais den nan

proceso di auto-evaluacion igual na esun cu e lo asisti Aruba den e proximo dianan.

Poderoso horcan Michael ta golpia zona di Panhandle na Florida



Epoderoso horcan Michael a golpia diaranson e zona conoci como Panhandle, na e costa noordwest di Florida, inundando ciudadnan y rancando palo cu biontonan di 249 kilometer pa ora y e potencial di converti den devastador.

Michael, cu a sorprende hopi cu su rapido intensificacion mientras cu e tabata move nort riba e Golfo di Mexico, ta e horcan mas poderoso registra na Panhandle.

El a fortalece incluso ora cu el a yega tera noordwest di Mexico Beach e atardi di diaranson como un tormenta categoria 4, riba e escala di cinco nivel Saffir-Simpson. Su biontonan maximo sosteni tabata apenas 3.2 kilometer pa ora, menos cu e ultimo categoria di horcan extremadamente raro.

Michael, cu a causa un importante interrupcion den e produccion di petroleo y gas di parti di Mericano di e Golfo di Mexico, tabata tin potencial di provoca crecimiento di hasta 4.3 meter riba nivel di lama

den algun area, e Centro Nacional di Horcan (CNH) a bisa.

"Dios, e ta duna miedo. Mi no a spera esaki," Bill Manning di 63 aña a bisa, kende ta un empleado di un tiend di comestibles, kende a laga su trailer na Panama City, na Florida, pa e muda pa un hotel unda cu ya no tabata tin coriente. "Panama City, m ino sa si lo bay keda hopi." Un paar di ora despues cu Michael a toca tera, a registra inundacion cu mas di 2.3 meter di profundiad cerca di Apalachicola, Ken Graham, director di CNH a bisa. Den un publicacion riba Facebook Live, el a premira cu lo sostiene biento cu forsa di horcan den su avance riba tera te na e frontera entre Alabama y Georgia.

Hendenan a lo largo di costa den 20 condado di Florida, a wordo pidi pa bandona nan cas, pero diaranson mainta, a bisa cu tabata demasiado laat pa sali. Bon parti di e area afecta ta rural y conoci pa ciudadnan turistico chikito, beach y reservanan natural, mescos cu e capital di e

estado, Tallahassee, di mas of menos 190 mil habitante.

"Ta duna miedo"

Hasta prome cu e horcan a subi tera, ya el a ranca mata y a causa inundacion den e ciudad di Port St. Joe.

"Ta sinti manera si bo no tabata sa ki ora e proximo mata lo cay riba bo, pasobra e ta hopi feroz," e alcalde di Port St. Joe, Bo Patterson a bisa. "E ta hopi aterador. Nos tin matanan ranca for di rais y hopi, hopi awasero."

Patterson a sigura cu rond di 2500 persona di e localidad di 3500 aind tabata ey, incluso algun 100 rond di e beach cu no a cumpli cu e orden di evacuacion obligatorio.

E dos brugnan cu ta conecta Port St. Joe tabata cera y ningun hende por sali.

"Esaki a sosode hopi lihe, nos no tabata bon prepara," el a agrega.

Michael a pasa di tormenta tropical na un horcan di categoria 4 den aproximadamente 40 ora. "E imagennan satelital di e evolucion

di Michael diamars tabata anochi, den un palabra, asombroso," Bos

Henson, un meteorologo di e website Weather Underground, a skirbi.

Ladron a bay cu wasmachine y otro a pluma turistanan riba tour

Ladronnan di awendia a perde cuero di cara y ta horta di nochi y di dia cla, di cosnan chikito sin sentido, manera cuminda di cacho te un wasmachin cu mester mas cu un hende pa cargue hinke den auto. Tur esaki ta casonan cu Polisnan ta confronta y masha poco ta wordo solucionan.

Diamars pa algo pasa di 12'or di merdia Centrale Post ta manda patruya di Santa Cruz pa atende un caso di robo. Na e cas nan ta papia cu e homber di inicial R. E ta declara na e Polisnan cu rond di 7.15 di mainta el a Sali di su apartamento y el a laga esaki intacto atras. Rond di 12.15 el a bolbe y a haya e sorpresa cu desconocinan a bay cu su wasmashin. Denuncia a wordo tuma.

E mesun dia un otro

persona, turista, a bira victima di ladronnan di dia cla y na momento cu nan tabata disfruta di un tour rond di Aruba.

Polis mester a bay na Bushiribana prome cu 12'or di merdia pa un turista cu a wordo horta. Nan ta papia cu e homber D., kende tabata guia di e tour na Gold Mine. Nan tabata na Andicuri y despues a bay na Natural Bridge chikito. Ey nan a baha y a keda 20 minuut eybao. Ora cu nan a bolbe, a constata cu desconocinan a bay cu nan pertenencianan. A tuma denuncia di e hombernan L. y E. Ladronnan a bay cu un tas blauw, tres credit card, un debitcard, un I-Phone preto (6S); 350 dollar; tas preto/cora, tas blanco (Colombia); I-Phone 6 preto; ID, rijbewijs y 250 dollar.

Dia Mundial di Vision

Awe 11 Oktober ta World Sight Day (Dia Mundial di Vision).

E dia aki ta wordo observa anualmente ariba e di 2 diahuebs di Oktober.

Organizacion Mundial di Salud (WHO) ta organiza diferente actividad mundialmente pa pone enfasis riba ceguera y impedimento visual.

E dia aki a origina inicialmente na aña 2000 door di e campaña Sightfirst (Bo Bista Prome) cu ta wordo organiza pa Lions Club International Foundation.

Bo tabata sa cu:

- 285 miyon di persona mundialmente ta ciego of tin limitacion di bista!
- Di esakinan 217 miyon tin limitacion moderata te severo y 68 miyon ta completamente ciego
- 90% di personanan cu ta ciego ta biba den paisnan pover.
- 80% di e impedimento visual aki por wordo evita door di controla frecuentemente y door di tratamento medico
- 1.2 biyon persona

mundialmente mester usa un bril tur dia pa por mira mihor

- restauracion di bista y strategianan preventivo pa preveni ceguera ta un di e intervencionan mas economico den cuida medico.

Tin alrededor di 19 miyon mucha mundialmente cu problemanan di bista. - 65 % di personanan cu tin limitacion di bista ta cay den e categoria di 50 aña bay ariba. Esaki mientras cu e grupo aki ta solamente 20% di poblacion mundial.

E cantidad di personanan cu edad riba 50 aña ta creciendo hopi liher mundialmente y esey ta significa cu mas hopi hende ta den e riesgo di desaroya problemanan di vista relata na edad.

Nos di Aruba One Happy Island Lions Club kier a pidi bo pa pensa un rato ariba bo bista. Haci controlnan necesario regularmente cerca bo oculista y preveni problemanan visual den futuro.



SOL
BRIYANDO FUERTE • TRECIENDO CLARIDAD
Di Pueblo

Tipline: 585 9500

e-mial: solodipueblo@gmail.com

Sidejob Aruba ta ofrece e siguiente servicionan

Nos ta verf bo cas pa fin di aña
Verf palo di dak. Chapi
Servicio nan di construeshon
Electricien, metzla y pega tegel.
Carpinte Trabao di plumeria. Pest control.
septie Na bo cas Trabao di jardin.
Tambe nos ta duna servicio di backu coba fundeshi
/pos/ zwempool
nos ta roza tereno y nos ta tira sushi afor.

742-0851 of 592-2275



Na Belgica ta drenta den oficinanan di clubnan grandi di futbol pa supuesto fraude y areglo di partido

Polis di Belgica a ehecuta diaranson un serie di razzia riba oficina di clubnan di futbol y vivienda den henter e pais y a detene varios persona pa interoganan riba fraude financiero y areglo di partido, fiscalnan di e pais aki a bisa.

A realisa un total di 44 registro den e sedenan di e principal clubnan Belga y den algun residencia, fiscalnan federal a bisa den un comunicado.

Na e mesun momento forsanan policial a drenta den 13 cas na Francia, Luxemburg, Ciprus, Montenegro, Serbia y Macedonia.

Fiscalnan no a identifica e club of personanan involvi. E emisoranan Belga VRT y RTBF a bisa cu e huiszoekingen a tuma luga den e principal ekiponan, incluyendo e Anderlecht, Brujas KV y Standard di Lieja.



Bolt, cla pa hunga diabierna "pa su futuro futbolistico"

E exvelocista Usain Bolt ta cla pa wordo titula cu Central Coast Mariners den un partido amistoso cu lo tuma luga diabierna, un encuentro unda cu segun e Jamaquino, por ta den wega su futuro como futbolista.

E ganado di ocho medaya di oro Olimpico ta den prueba di velocidad, ta purba di transforma su mes cu 32 aña den un futbolista

profesional y ta spera di wordo contrata pa Mariners prome cu comienso di e temporada 2018-2019 na Australia.

Su aparicion anterior den e ekipo tabata contra un conhunto di aficionado dia 31 di Augustus, unda cu el a ingresa riba veld den minuut 72 sin muestra un gran nivel.



Mundial 2026 por genera un liga Norte Americano: dirigente Mexicano

Un liga di futbol Norte Americano entre Canada, Mexico y Merca por ta e principal legado di Copa di Mundo di 2026 organis pa e nacionnan aki, e presidente di e maximo division Mexicano, Enrique Bonilla a bisa.

E oferta conhunto di e paisnan Norte Americano pa alberga e prome Mundial cu 48 seleccion, a vence Morroco den un votacion realisa den e Congreso di FIFA na Juni.

Aunke mayoria di e sedenan lo ta na Merca, ta e ekiponan Mexicano loke ta domina e continente, den gana e 10 edicionnan di e Liga di Campeonan di CONCACAF.

La Liga MX tambe ta sigui ta e campeonato di futbol mas mira na Merca y ta atrae den promedio cerca di 26.500 fanatico pa partido.

Sin embargo, e ingresornan pa derechonan televisivo global y di patrocinio na Norte America, ta insignificante den comparacion cu e miho liganan di Europa. Bonilla ta kere cu esaki ta algo cu por cambia cu un division nobo cu ta agrupa e ekiponan di henter e region.

"Ta un posibilidad, un liga Norte Americano. Nos tin cu determina con y mira e proyecontranan, pero mi ta kere cu ta



un manera di crece y competi di nobo," Bonilla a bisa periodistanan den

un conferencia di futbol, Bridge. realisa den e stadion di Chelsea, Stamford

A detene homber na Alemania conecta cu e violacion y asesinato di periodista Bulgaro




Un homber Bulgaro a wordo deteni na Alemania pa e asesinato di e periodista Viktoria Marinova, e minister di Interior di Bulgaria a bisa. Autoridadnan no por bisa si e asesinato di Marinova den e parti nort di e ciudad Bulgaro di Ruse tabata vincula cu su trabao como periodista, segun e fiscal Principal di Bulgaria, Sotir Tsatsarov a bisa. E homber a wordo acusa den ausencia di violacion y asesinato, Tsatsarov a bisa. Un orden di arresto Europeo a wordo emiti contra e homber Bulgaro despues cu su ADN a coincide cu e evidencia recoge na e escena di crimen, Marinov a bisa den un conferencia di prensa. Un vocero di e ministerio di interior a bisa CNN cu e sospechoso di 21 aña a wordo asesina cerca di e ciudad di Hamburg. Autoridadnan Bulgaro ta pidiendo extradicion di e homber, e vocero di e

reporteronan di e Television Nacional Bulgaro (BNT), cu el a top'e diaranson ultimo. E periodista di 30 aña a bis'e cu e tabata trahando den un investigacion pero cu e no tabata sinti su mes

preocupa pa su seguridad y cu e no a ricibi menasa. Mas recientemente Marinova a presenta e programa "Detector" na TVN, caminda cu el a entrevista dos periodista cu tabata investigando

un caso di supuesto corrupcion cu a involucra fondonan Europeo. Previamente el a presenta un programa di estilo di bida y tabata envolvi cu trabao di caridad. El a laga un yiu muhe chikito.

Temblor di magnitud 7.0 ta sacudi Papua New Guinea



Un temblor di magnitud 7,0 a sacudi Papua New Guinea diaranson, segun reportenan di e Servicio Geologico di Merca (USGS). E foco sismico tabata localisa na 39,5 kilometer di profundidad y e epicentro a ubica na 124 kilometer oost di Kimbe y na 190 kilometer noordoost di Kokopo.



HÖER

START DATE
JAN FEB MAR
APR MAY JUN
JUL AUG SEP
OCT NOV DEC

SMART EYE TECHNOLOGY

36B20L
REGULAR PRICE 99⁹⁹ AWG
OUTLET PRICE 39⁹⁹ AWG

58R
REGULAR PRICE 129⁹⁹ AWG
OUTLET PRICE 99⁹⁹ AWG

24R
REGULAR PRICE 119⁹⁹ AWG
OUTLET PRICE 119⁹⁹ AWG

55D23R
REGULAR PRICE 119⁹⁹ AWG
OUTLET PRICE 119⁹⁹ AWG

HONDA ACCORD
NISSAN VERSA

KIA RIO
JEEP WRANGLER

SUZUKI IGNIS
TOYOTA TERCEL
HYUNDAI ACCENT

HYUNDAI / i10
KIA / PICANTO

THE BEST QUALITY STANDARD

GERMAN CAR BATTERIES

ALL TO CAR ¡YOUR FACTORY OUTLET STORE!

LG SMITH BLVD 114 ☎ 744.89.57

Guardian Group Fatum

OVERALL WINNER MASCULINO 10K DI MY GUARDIAN GROUP WALK AND RUN ARUBA LO PARTICIPA NA ST. MAARTEN



E ganador absoluto 10K Masculino di My Guardian Group Walk and Run Aruba 2018: Jethro St. Fleur, lo participa diadomingo awor 14 di Oktober na e My Guardian Group Walk and Run St. Maarten.

Jethro St. Fleur a yega St. Maarten caba y lo ta preparando su mes pa e carreda di 10km cual ta un reto mas como atleta mirando cu St. Maarten tin hopi haltura y alavez core dornan di Anguila y di parti Frances cu lo

participa. Fuera di Jethro St. Fleur tin 3 atleta mas for di Aruba cu ta participando.

Despues di 1 aña di Orcan Irma, St. Maarten a recupera basta bon pero ainda falta hopi trabao di reconstruccion. Guardian Group ta sigui sostene St. Maarten cu e My Guardian Group Walk and Run 2018, pa asina keda mantene e animo y sigui traha pa e isla para bek firme.

Guardian Group Fatum Aruba ta desea Jethro St. Fleur hopi exito cu su participacion na St. Maarten. Esaki ta promer biaha cu un overall Winner di Guardian Group su Walk and Run di Aruba ta participando y representando Aruba.

Si Jethro St. Fleur gana e overall 10K male e lo gana su participacion pa dia 28 di Oktober na e di 35 edicion di My Guardian Group Walk and Run na Corsou.

Dos Samaritano a entrega materialnan haya

Diamars ultimo tabatin dos caso unda personanan a haya materialnan cu no ta di nan y a pone Polis na altura di esaki.

Den oranan di merdia Polis ta bay na un adres na Diamantbergweg pa un persona cu tin algo di conta nan. Na e sitio nan ta papia cu e señora P. di 86 aña. El'a bisa cu rond di 1'or di merdia el a bay pafo y a topa cu un saco yen di cos y un Fan den su cura. Esakinan no ta di dje. E Polisnan a tuma e materialnan aki den beslag y a deposita nan na

warda pa e doño por busca nan.

Den oranan di atardi Polis di beach ta wordo manda na un hotel grandi riba Blvd unda cu un turista tin algo di conta nan di algo cu el a haya.

Nan ta papia cu e señora di inicial K. E ta bisa cu e mainta ey el a perde su cartera na Bushiribana. Tabatin un otro pareha kedando den e hotel, esta e señora D. El a bisa cu e y su casa a huur un ATV y a haya un cartera den bisindario di Bushiribana pa Natural Pool. El a laga un respondi atras cu su datonan y unda e ta kedando cu e trahadornan di Parke Arikok. E señora K., kende ta pasahero di e crucero Exuinox a haya e informa y a bay na dicho hotel. El 'a haya su cartera y tur e

WASTE HANDLING CLEANING SERVICES

SCEPTIC TANK (7 CUBE)

PRIJS SPECIAL AWG 75,-



YAMANOS NA: 560 3500 OF 563 4201

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



Cualnan ta e enfermedadnan mental mas comun?

Ora nos papia di enfermedadnan mental, nos ta referi na e trastornonan cu ta manifesta como alteracionnan den e comportamiento, rasonamento of reconocimiento di realidad, entre otro sintomanan.

Den e siguiente articulo nos lo contabo cualnan ta esunnan mas comun, aunke no semper nan ta wordo trata como nan ta coresponde.

Tipo di enfermedadnan mental frecuente

Ora cu nan diagnostica na tempo, por mehora sobremansa e bida di e pashentnan. E enfermedadnan mental no ta discrimina edad of genero. Nan por aparece di un dia pa otro of nan ta bay gestando poco poco. Den e ultimo añanan, e sistema sanitario publico a pone un poco mas e enfoka riba nan y hasta ta existi censo cu ta determina cualnan ta esunnan mas frecuente:

1. Trastorno di ansiedad

Ta un di e enfermedadnan mental mas comun di siglo XXI y por aparece den varios situacion estresante of angustiante. E trastorno ta wordo diagnostica ora cu tin cambio den bida di e individuo, ya cu por resulta dificil e desempeño den trabao, papia cu famia of cu desconocidonan, etc. Di un otro parti, e desequilibrio generalisa ta interferi den e cotidianidad debi cu semper ta preocupa pa algo: laga porta habri, sufri di robo di auto den parkinglot, algo malo lo sosode na un ser keri, e lo tin un accidente di transito, etc.

2. Schizofrenia

Personanan schizofrenico ta scucha stem di otro hende den nan interior, cualnan ta invadi den nan pensamiento y haci nan cambia nan forma di actua. Por ehempel, nan ta bisa pa haci daño na otro persona of na nan. Un hende cu ta padece di e problema aki, por cambia notoriamente su dia pa dia, door di no por controla e monologonan interno di e personahenan aki. Schizofrenia ta afecta tanto



hombre como e hende muhe y sa aparece entre 16 y 30 aña. No ta conoce causa y en cuanto su tratamentonan medico, ta opta pa terapianan psicosocial y remedinan antipsicoticos.

3. Fobia

E ta otro di e enfermedadnan mental mas comun. Fobianan ta bay mas leu di un miedo of di un desagrado pa un situacion, obheto of animal. E ta pio ora cu no gusta araña of payaso. Ta trata di un trastorno irracional cu no ta permiti disfruta di bida ante e temor cu e lo aparece pa motibo di fobia. Por ehempel, no bay di vakantie den famia door di miedo pa subi avion of no obtene un miho trabao door di no por subi un lift.

4. Trastorno bipolar

Esaki por wordo haya dentro di e denominadonan "trastorno di e estado di animo y ta provoca cambio di emocionnan hopi exagera of episodionan maniaco. Por ehempel, hari duro y den un minuut despues, yora desconsoladamente. E conductanan asina extremista por provoca problema den relacionnan social debi cu esnan cu ta rond di e pashent no sa con pa reacciona ante un pregunta of noticia.

5. Trastorno Obsesivo compulsivo

Ora cu un hende sufri di e condicion aki, relaciona cu ansiedad, e ta experimenta pensamiento, imagen y ideanan obsesivo cu no ta real. E ta asocia e temor, stress y angustia continuo y ta supone un problema pa lo cotidiano. E ta bay mas leu di ordena buki pasobra e ta aparece den cualkier situacion: no trapa riba e liñanan di vloer, kier acomoda tur loke e ta mira den su paso, no por drumi si e porta di e cashi ta habri, organisa hopi cos pareu, etc.

6. Ataca de panico

Ta cada biaha mas frecuente cu e problema aki ta aparece den cual e persona ta experimenta dificultadnan pa hala rosea, tin mareo y nausea, ta sinti su mes debil y e curason ta bati mas lihe. Tambe por aparece otro sintomanan manera hincamento den e mannan, sodo excesivo, debilidad y dolornan den pecho. E ta mescos cu e ta hogando y no por controla e situacion. Ta aparece den cualkier momento of luga den tur caso, desencadena door di e miedo irracional. E atake di panico ta incapacitante y por ta hereditario. Sin e ayudo di un profesional, por caus agorafobia of temor pa espacionan habri y fobia social door di no por preveni den ki momento lo sufri un episodio traumatico.

7. Depresion

Ta un di e enfermedadnan mental mas frecuente y den hopi cas, ta bay mas leu di un simpel angustia of tristesa pasahero. E trastorno depresivo ta inclui desesperacion, dificultad pa lanta for di cama, sentimentonan di inferioridad y te hasta ideanan suicida. Ora e sintomanan aki ta mantene durante siman of lunanan ta midifica e bida y ta genera problemanan serio den relacionnan interpersonal.

8. Trastornonan den alimentacion

Den e grupo aki nos por haya anorexia nerviosa cu ta caracteriza pa e obsesion di controla cuminda consumi y e distorsion di e imagen corporal (aunke cu e ta hopi flaco, e persona ta wak su mes gordo dilanti spiel) y bulimia nerviosa cu ta inclui pautanan abnormal di alimentacion, por ehempel, atraccion y despues maniobranan pa elimina loke cu a wordo comi (atrabes di laxante of door di saca) y cu ta deriva den depresion y autoestima abao.

9. Trastorno antisocial

E alteracion aki ta wordo caracteriza pa e problemanan pa relacion cu otro. Ta evita tur tipo di interaccion cu otro hende ya sea cu nan ta famia, conoci of straño. E sintomanan cu ta alerta riba e trastorno aki por ta: timides, depresion. Soledad, violencia, agresividad, entre otro. Ademas ta wordo experimenta un gran temor na rechazo.

10. Trastorno limite di personalidad

Esnan cu ta sufri e enfermedad mental aki, tin un personalidad hopi cambiante y debil, pesey nan ta duda den tur cos. Nan por ta calma y despues di algun minuut, nan ta sinti nan mes ansioso, desespera y rabia. Nan por bisa cu nan ta biba cu nan emocionnan halto, tin relacionnan amoroso hopi intenso y ta idolatra e pareha den extremo.



Wall Street a cay 4.6% debi na subimento di rendimiento di bono di Tesoro

Wall Street a cay cu forza ante un continuo aumento di rendimentonan di e bononan di Tesoro di Merca, cu a impulsa un ola bendedor di accion. Ademas, e indicionan di un repunte di e inflacion ta genera preocupacion cu e Reserva Federal di Merca tin cu subi rapidamente e tasanan di interes.

Dow Jones di Industriales, su principal indicador, a cay 4.60 por ciento y a cera cu 24,345.75 unidad. E selectivo S&P 500, cu ta midi e comporamento di e principal 500 empresanan cu ta cotisa na New York, a cay cu 4.13 por ciento y a conclui den 2648.94 punto.

En tanto, Nasdaq Composite, unda ta cotisa mayoria di e firmanan tecnologico y internet, a cay 3.78% y a caba cu 6967.53.

E rendimiento di e bononan di Tesoro di Merca den 10 aña a toca un maximo di cuater aña di 2.885%, despues di a subi diabierna casi 7 punto basico.

E aumento di rendimiento di e bononan ta anifica un mayor costo di debe pa empresanan y unopcion

di inversion alternativa pa operadornan.

E tres principal indicionan di Wall Street a registra diabierna ultimo su mayor perdida semanal den dos aña.

S&P 500 y Dow Jones a seya nan pio siman desde principio di Januari di 2016, mientras cu Nasdaq a registra su pio siman desde principio di Februari di 2016.

tambe tabata e mayor caida diario den punto di Dow Jones desde December di 2008, den pleno crisis financiero.

E informe di nominanan no agricola di Merca di diabierna pasa, a muestra cu e salarionan a crece riba su ritmo mas lihe den mas di ocho aña, alimentando e preocupacionnan cu tanto e inflacion como e tasanan di interes por subi mas rapido cu ta spera.

Actualmente e operadornan ta spera tres aumento di tasa durante 2018, pero si e economia y e ganashinan corporativo ta sigui mehora, e posibilidadnan di un di cuatro aumento lo por ta mas probabel.



WASTE HANDLING CLEANING SERVICES

10FT



20FT



30FT



PRIJS DI BAKI:

150-175-200-250

*PRIJS TA DEPENDE DI KI TIPO DI SUSHI

YAMANOS NA:

560 3500 OF 563 4201

SOLO
BRIYANDO FUERTE • TRECIENDO CLARIDAD
Di Pueblo

Tipline: 585 9500

e-mial: solodipueblo@gmail.com



Poetin hoopt dat Nurmagomedov niet te zwaar gestraft wordt door vader

Khabib Nurmagomedov heeft steun uit onverwachte hoek gekregen. De Russische president Vladimir Poetin hoopt dat de UFC-vechter niet te zwaar gestraft wordt door zijn vader naar aanleiding van zijn misdragingen rond zijn gevecht met Conor McGregor.

De dertigjarige Nurmagomedov mocht samen met zijn vader Abdulmanap op audiëntie komen bij Poetin, die in de nacht van zaterdag op zondag had gezien hoe de Russische kooivechter zijn wereldtitel met succes verdedigde in Las Vegas. "Ik zou je vader graag willen vragen om je niet te hard te straffen, want je optreden was overtuigend en je hebt je doel bereikt", richtte Poetin zich tot de nog ongeslagen

lichtgewicht.

De president refereerde daarmee aan de woorden van Nurmagomedov, die na het chaotische gevecht vreesde dat zijn vader nog een appeltje met hem te schillen zou hebben wanneer hij terugkwam in Rusland.

Pa Nurmagomedov kondigde na het spektakel in Las Vegas bovendien aan dat hij zijn zoon harder zou aanpakken dan de UFC zou doen. "Ik heb hem gewaarschuwd. Voor mij komt discipline altijd op de eerste plaats", zei de Dagestaan.

UFC pakt kampioensriem niet af van ongeslagen Rus Nurmagomedov sprong na het beladen en chaotische gevecht het publiek in om op de vuist te gaan met Dillon Danis, een sparringpartner van McGregor, en de



begeleidingsstaf van zijn Ierse tegenstander.

McGregor besloot geen aangifte te doen tegen de Rus en ook de weliswaar woedende UFC-voorzitter Dana White toonde zich vergevingsgezind, door Nurmagomedov te verzekeren dat hij zijn

kampioensriem hoe dan ook behoudt.

De Nevada State Athletic Commission (NSAC) kan de MMA-vechter nog wel een schorsing opleggen. Nurmagomedov heeft al wel zijn excuses aangeboden: "Ik weet dat ik me niet van mijn beste

kant getoond heb", toonde hij berouw.

Na 27 gevechten is Nurmagomedov nog altijd ongeslagen. Hij won de vacante UFC-titel in april van dit jaar door de Amerikaan Al Iaquinta te verslaan in New York.

Ruim 11 miljoen euro ingezameld voor slachtoffers Sulawesi

Met de actie Giro555 is 11.255.854 euro ingezameld voor hulp aan Sulawesi. Het Indonesische eiland werd bijna twee weken geleden getroffen door een verwoestende aardbeving en tsunami.

Het bedrag werd woensdagavond na een landelijke actiedag bekendgemaakt tijdens een uitzending van Pauw. De inzamelingsdag was woensdagmiddag begonnen met een voorlopige opbrengst van bijna 6,1 miljoen euro.

Dj Martin Garrix opende de actiedag in het actiecentrum Beeld en Geluid in Hilversum. Net als tientallen andere bekende Nederlanders nam hij telefoontjes aan van donateurs. Premier Mark Rutte riep in een videoboodschap op te doneren. Giro555-actievoorzitter Marinus Verweij zegt dankbaar

te zijn voor de massale inzet van Nederland. "Kinderen kwamen hun spaarpot omkeren, talloze bekende Nederlanders hebben een bijdrage geleverd. Hartverwarmende acties. De hulp die we nu al geven op Sulawesi kan hiermee worden voortgezet."

De inzamelingsactie voor Sulawesi gaat de komende dagen nog door. Giro555 ontvangt nog een onbekend bedrag van kerken, organisaties en privé-initiatieven.

Zeker 2.045 doden door ramp Sulawesi werd op 28 september getroffen door een aardbeving met een magnitude van 7,5 en een daaropvolgende tsunami. Het officiële dodental is gestegen naar 2.045.

Er worden nog ongeveer vijfduizend mensen vermist. De grootschalige zoekacties naar



overlevenden stopt donderdag. Bijna 200.000 mensen op het eiland hebben noodhulp nodig. De Indonesische autoriteiten worden bijgestaan door diverse hulporganisaties en elf landen, waaronder Nederland. Nederlandse hulporganisaties trekken 4 miljoen euro uit

voor de hulpverlening aan de slachtoffers op Sulawesi. Minister Sigrid Kaag voor Ontwikkelingssamenwerking had eerder ook al 1 miljoen euro beschikbaar gesteld aan het Rode Kruis om te helpen bij de eerste hulpverlening.

United States Consulate General**U.S. DEPARTMENT OF STATE -
STATEMENT BY SECRETARY POMPEO****Curaçao Day**

On behalf of the Government of the United States, I offer congratulations to the people of Curaçao on Curaçao Day.

This year marks 225 years since the United States opened a consulate in Curaçao. A U.S. Consul designed the Queen Emma Bridge in Willemstad, which remains a strong symbol of our friendship as we continue to build a safe and more secure future for the Caribbean, foster entrepreneurship, and combat transnational crime.

As you honor Curaçao's culture and proud heritage, the United States stands with you. I extend warmest wishes for the year ahead, reflecting on our shared history and looking forward to strengthening U.S.-Curaçao bridges into the future.

United States Consulate General**U.S. DEPARTMENT OF STATE-
STATEMENT BY SECRETARY
POMPEO****Sint Maarten's Constitution
Day**

On behalf of the Government of the United States, I congratulate the people of Sint Maarten on Constitution Day. This past year, Sint Maarten epitomized strength and resilience. Following the devastation of Hurricanes Irma and Maria in 2017, the people of Sint Maarten rebuilt a nation, undertaking recovery and restoration efforts with dedication and bravery. The United States stood with you then, and we continue to stand with you now as we work together to foster security and prosperity for all of our citizens.

Today, we reflect on your extraordinary accomplishments during eight years of sovereignty. As you celebrate Constitution Day, I extend my best wishes for peace and happiness in the year ahead.



BRIYANDO FUERTE • TRECIENDO CLARIDAD

*Di Pueblo***Tipline: 585 9500***e-mial: solodipueblo@gmail.com***REMETIDO****E LIBERTINAHE SEXUAL TA
CONDENABEL**

E significacion di fornicacion.

Den e di 9 Mandamento di Dios ta bisa, pa no comete e pika di fornicacion. E pika di fornicacion ta e relacion sexual prohibi pa Dios cu ta e pika di curpa y e ta condena hende pa fierno despues di morto y e pika aki, ta esnan cu ta biba den libertinahe sexual, parehanan cu ta biba companja sin casa pa Dios den e Sacramento di Matrimonio, esnan cu ta haci prostitucion, mamanan y tatanan soltero cu ta lanta famia den nan fornicacion sin casa pa Dios y esnan cu ta casa pa raad so.

Den Bijbel San Pablo ta adverti, 1 Corintionan 6: 18-20; "Huy for di e relacion sexual prohibi, cualkier otro pika cu hende ta haci, ta for di curpa, ma esun cu haci fornicacion ta comete pika contra di su mesun curpa. Of boso no sabi anto, cu boso curpanan ta tempel di Spirito Santo cu ta den boso, cua boso a haja di Dios y cu boso no ta pertenece na boso mes? Pasobra boso a wordo cumpra cu un prijs hopi caro, pues glorifica Dios anto den boso curpa, cu ta di Dios." Den e Palabra di Dios aki, na tur esnan cu ta biba den e libertinahe sexual cu ta e pika di fornicacion, nan lo no drenta den e Reino di Dios despues di morto.

Den Bijbel Revelacion di Huan 21: 7-8 ta bisa: "Esun cu triunfa lo hereda tur cos y lo Mita un Dios p'e y lo e ta un yiu pa Mi. Ma e cobardenan y esnan cu no ta kere y e abominabelnan y e matadornan y e fornicadornan y e hacido di bruhanan y e adorador di diosnan falso y e ganjadonan, nan parti lo ta den tanki cu ta cende cu candela y zwafel, cu ta e di dos morto."

Den Bijbel Hebreonan 13: 4 ta bisa: "Laga bida

di casa ser respeta pa tur y cana sin mancha, ma e fornicadornan y e kibradornan di matrimonio, Dios lo husga nan." E kibradornan di matrimonio, ta esnan soltero cu ta biba of ta casa pa raad cu un persona divorcia casa pa misa, nan tambe lo ser condena. Pasobra, e caminda di un persona divorcia mester keda habri pa Dios, pa nan por uni un dia y pa nan no bai biba den e pika di adulterio.

Pa un pareha por haci e relacion sexual pa lanta un famia, nan mester casa pa Dios den e Sacramento di Matrimonio den Misa, pa medio di un Sacerdote cu ta representa Dios como minister spiritual.

Den Bijbel Marco 10: 6-9 ta bisa: "Ma for di principio di mundo Dios a traha homber y muher.

Pésey un homber lo bandona su tata y su mama y lo e uni cu su muher. Y e dosnan aki lo bira un curpa, asina nan lo no ta dos mas, ma un solo curpa.

Loke cu Dios ta uni, hende no ta permiti di separá." Den e palabranan di Dios aki, e pareha ta casa pa Dios den e Sacramento di Matrimonio den misa, nan lo bira un solo curpa den bista di Dios y den e matrimonio aki, e pareha por haci nan relacion sexual pa satifacé nan curpa y pa lanta un famia. Tambe den e Evangelio aki, Dios no ta reconoce divorcio, pasobra loke cu Dios a uni den e Sacramento di matrimonio, e pareha ta

keda casa te na morto y no ta permiti pa hende divorciá. Den Bijbel Marco 10: 11-12; Hesus ta bisa: "Ken cu bandona su muher y e casa cu otro muher, esey ta comete adulterio contra di su muher.

Y si un muher bandona su homber y e casa cu un otro homber, e ta comete adulterio." Den e Evangelio aki, si un homber divorcia di su senjora y e biba of e casa pa raad cu un otro muher, e ta comete e pika di adulterio contra di su mes senjora cu Dios a uni nan. Y si e muher divorcia di su esposo y e biba of e casa pa raad cu un otro homber, e ta comete e pika di adulterio contra di su mes esposo cu Dios a uni nan.

Den e Sacramento di Matrimonio di Dios, maske cu e pareha a separá of a divorcia, nan ta keda casa pa Dios te na morto. Pésey nan mester purba di uni atrobe cu otro y nan mester laga e caminda habri, bibando nan so den castidad pa nan por ta salbá den bista di Dios y pa nan por biba un bida Cristian dunando nan yiunan un bon ehempel.

Den Bijbel 1 Tessalonicensenan 4: 3-5 ta bisa: "E boluntad di Dios ta, pa boso bira santonan y huy boso di fornicacion. Cu cada un di boso comportá cu su mes senjora den santidad y respet.

No laga boso wordo hiba pa e mal pasionnan, manera tin hende ta haci cu no conoce Dios."

Un mensahero di Dios.

**PUEBLO A HAÑA SU
PEN BEK**

Pa kualkier informacion
solodipueblo@gmail.com

of
☎ 585-9500

SERVICIO Y COMPRA

Santa Cruz BARBERSHOP
 Min-Prk 8AM-9PM • Sun: 9AM-6PM
 T1.600-6673 • T2.592-1880

Professional tattoo
Pro Tattoo 2
 Santa Cruz 36 - A
 Tel: (297) 533 6612 - Cel: (297) 536 3945
 Oscar Vidal @PROTA2AUA

POWERLIFTING • BODYBUILDING
WARRIORHOUSE
 GYM

Situa na
 Santa Cruz 266
 Tel: 566-4478

HARICUTS • LINEUPS • FADES • STRAIGHT SHAVES • DESIGNING
FRESH CUTS BARBERSHOP
 SANTA CRUZ 302 LOCAL 1
 585-0121 747-0121

Celantro's Grill
 Pa pedido yama 594-0035

Dijkhoff
 Pest Control
 SEROE PRETO 14K CEL: 5679166
 DIJKHOFFPEST@HOTMAIL.COM

Se alquila
 Una habitacion para 1 o 2 personas
 cerca de CAYA BETICO CROES en area
 de Cumana
Llamar 5679707

MANTENCION DI JARDIN
 TA CORTA TUR TIPO DI MATA Y TRIM - SERVICIO DI PESTISIDA - TA
 TRATA MALEZA DI MATA PA TUR NOS CLIENTENAN - TA TRAHA JARDIN
 BUNITA - TA DESIGN JARDIN - LANDSCAPE CURA DI CAS OF NEGOSHI
 - TA DECORA CAS CU MATA Y FLOR - SERVICIO DI DRIPSISTEM PA
 MUHA MATA - LIMPIESA Y CHAPI ENGENERAL
YAMA LINO'S GARDENS & CONTRACTORS
 CEL. 592-4522
 KEN CONOCE TERA, MIHOR CU UN PORTUGUES??
 UN CAS CU MATANAN BUNITA, TA UN CAS ALEGRE!

VERHUIZING • MOVING • MUDANSA
RENT THIS TRUCK
 CUMINZANDO NA
 75 FLORIN PA TRIP
 WHATSAPP / CALL:
 749-3461

TA BUSCA
Phelo special N.S
 ta busca pa drenta den servicio inmediatamente
 pa diferente hotel:
 Persona local of hende documenta
 (edad 18 pa 50 aña)
 • House keeping (room -attendant)
 • Hende homber pa traha den laundry pero
 diferente shift (Rotate)
 • Cashier
 Preferibel pasa personal na e add: L.G. Smith
 Boulevard 116, Local D-12 **Tel: 588-9762**
 Horario : Dialuna pa Diabierna 8'or te
 4:00pm non stop

SERVICIO SEPTIC
 Servicio di Septic Tank – Chica Pos
Yos Septic Tank
 Tel: 566-6144 / 748-2689
 Yos ta yega mesora y sigur!

TA BUSCA
 Ta Busca Tereno
 Di Afl 30.000,=
 bai ariba
 yama of
 whatsapp :
 563-2233

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan


Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

NUMBER SOLO DI LOTO

3



Lotto Merdia Oktober 10




Sorteo # 2356

7426

3987

6692



Sorteo # 2356

7388



Sorteo # 412


7249



Sorteo # 2356

5609

Virgo



Oktober 10

05 10 15 16 18

Lotto Anochi Oktober 10




Sorteo # 2125

4238

5323

4367



Sorteo # 2125

1578



Sorteo # 181

4055



Sorteo # 2125

3817

TAURO



Oktober 10

03 05 09 21 34 08 1

DIARIO

Oktober 10

1. 6305

2. 5211

3. 0697

SUPER 4

7852

CURACAO

Oktober 10

1. ?

2. ?

3. ?

Flamingo

Oktober 10

1. ?

2. ?

3. ?



Oktober 9

05 15 21 28 07

TA BENDE

Store display table
For sale!
700,- florinSi bo ta interesa
pa cumpra, por yama na

748- 8280



FOR SALE

Chevrolet Spark. 2012

Low KM. Aut/No AC

Full Mantenaice

Avg: 6.500

(negociable)

Cell:

7450440

Pa bo

matanan

ta berde y bunita

Gordura

di bon calidad. Alf 8,= pa saco,
cumpra 10 ta delever gratis.

Tel.

592-6209

TA BENDE



Auto

Infiniti 937S

Coupe 2009 top

condition. Low miles.

Por financia.

Corolla S.2015 y 2016 ,

ultima 2016

Rx8 motor mester

overhaul.

Tin mas auto y Parts

pa bende. Por jama na

5615987

SEDE DI BBQ

TIN DIADOMINGO
AWO BBQ Y CUMINDA
DI PASCO LO TIN,

AJACA

HAM HORNA

LOMITO

1/4 GALINJA CU SU

REJENO

AROOS CON POLLO

SALADA DI GALINJA

SALADA DI BATATA

BBQ

PINCHO

CHORISO

PA PEDIDO POR JAMA NA

569 0131

CONSTRUCTION

Ta haci
trabao di
coriente , verf ,
plumming ,
welder,
metsla ,
drecha dak ,
haci cura limpi ,
corta mata
yama : 5608568

TA HUUR

Den bario di
Santa Cruz
ta huur un Cas
appartment pa
un pareha of un per-
sona.. (Hende serio)!
awa, coriente apart!
Disponibel comienzo
di Oktober
pa mas info jama :

7410165

Abona na Solo di Pueblo awor!

Yama 585-9500

of e-mail nos na

solodipueblo@gmail.com

Tur marduga nos ta entregue

den bo porta di cas! Noticia cayente,

ta aki bo ta haye!

Durante un discusion homber bao influencia a maltrata su pareha



Diamars anochi pa mas o menos 8'or polis a wordo manda un adres na Indianenweg.

E motibo tabata cu un dama a notifica autoridad cu el'a wordo maltrata. Na e sitio e homber cu ta su pareha tambe tabata tey.

Mientras tanto e pickup mobile di ambulance a yega pa check e dama.

Segun informacion, e homber y e muher lo taata tin un discusion y cos a bay for di man caminda e homber a dal e muher. E homber tabata bao influencia.

Polis na e sitio a detene e homber pa maltrato, caminda el'a wordo hiba warda di Playa.

Arcangel San Miguel

San Miguel Arcangel, defende nos den bringamento contra malisia y engaño di diabel. Sea nos proteccion. Pa Dios manda riba dje, nos ta pidi humildemente, y abo, Prins di ehercito celestial, manda cu poder divino den fierno satanas y otro mal spirito, cu ta rondia den mundo, pa perdishon di almanan. Amen.

Ta bende

Un Celinder head
H1 2004 diesel
alf 500.-
nan ta fit
mitsubishi
tambe.

Un starte H1 diesel
alf 250,-

Cell: 7410123

Ta bende

un Nissan 97
Hidrymatic + Airco
Als 1.400

Cell : 741-0123

Ta bende

un Celinder head
H1 Hyundai diesel
2009 alf 600,-

Cell : 7410123

TA BENDE

Un Airco 110 volt 12 btu
prijs 500 florin
Jama na
tlf +297 563 3466



HELP US

Who can help us to start with a non-killer shelter?
Aruba kills many animals, and the dogs and cats are
in the killer cage, in the heat for many days without
Water and food!!!!!!!!!!!!!!
The dogs and cats are suffering so much.
Save the animals
From killer cage
on Aruba.

+31657679431
WhatsApp only

Sudoku

	9							8
2						1	9	
4			2		1			
	3				6		8	7
			7		9			
7	1		8				3	
			5		3			6
	8	6						1
5							7	

Sopi di letranan

E R U I A B G L N U O C A H T C F
 Y Y J W S D A D O G Z K T G A O O
 Y F M D S M A L O O E F T E W Z N
 I A E R E V Y G L V L E I B M V D
 B A X Q M G Q Y I O A U T E A U U
 O A A J B N A D L O T S U C J J N
 E P L P L F U G A O U T D G L K C
 C G L L É K R C É Q C É E Z L A G
 E R E R O I U R P I E D L E J P L
 N T G B O N P J I D C O Q A E R K
 U A R A B E S Q U E A C J B N O U
 X K O E Z A A E U E B J J V S C E
 B A T T U A L A A B R V Y I W L É
 M N A G O E F A I S I J L L Y D O
 Q K D E T O U R N R O I E H U A S
 Y D E V A N T U V C L W N T H O C
 S T M W R U A H D Y E H L R A L L

ARABESQUE
 ASSEMBLÉ
 ALLEGRO
 BALANCE
 BATTU

ATTITUDE
 BALLOTTE
 BALLON
 ADAGIO
 DEGAGÉ

FONDU
 DETOURN
 PIED
 ÉLANCÉ
 DEVANT

CABRIOLE

Condorito



PRONOSTICO DI TEMPO VALIDO TE DIAHUEBS 11 DI OCTOBER 2018

COMPILA:

DIARANSON 10 DI OCTOBER 2018 17:00 (21:00 UTC)
TEMPO:

AWE ANOCHI: PARCIALMENTE NUBLA CU CHENS PA UN AWACERO PASAJERO

DEN MARDUGA I MAYAN: PARCIALMENTE NUBLA CU LOCALMENTE UN AWACERO
TEMPERATURA MAXIMO 33 GRADO CELSIUS Y
TEMPERATURA MINIMO 27 GRADO CELSIUS.
SOLO LO BAH AWE NOCHI 06:24 PM Y LO SALI MAYAN
MAINTA 06:29 AM.

BIENTO: MODERA FOR DI DIRECCIONAN ENTRE OOST-
NOORDOOST I OOST- ZUIDOOST;

FORSA 3 TE 4 (12 TE 30 KM/ORA, 7 TE 16 NUDO)

DEN DIA BASTA FUERTE TE POSIBLEMENTE FUERTE DEN
RAFAGA;

FORSA 5 TE 6 (31 TO 50 KM/HR, 17 TO 27 NUDO).
SITUACION GENERAL DI TEMPO:

DEN PROXIMO 24 ORA ATMOSFERA REGIONAL LO KEDA
HUMEDO I INSTABIL. ESAKI LO

PONE TEMPORALMENTE MAS NUBIA FORMA RIBA
REGION LOCAL I E ORA EI POR SPERA

LOCALMENTE ALGUN AWACERO. NO POR EXCLUI E
CHENS PA LAMPER CU STRENA.
CONDICION DI LAMA:

OLANAN DI LAMA LO TA FOR DI DIRECCION OOST CU
HALTURA DI 3 TE LOCALMENTE

5 PIA. E OLANAN DI MAS HALTO NA COSTANAN OOST TE
NOORDWEST DI E ISLA.

FENOMENONAN SPECIAL: NINGUN
TEMPO TROPICAL SIGNIFICANTE:
HORCAN LESLIE TABATA MOVIENDO RIBA ATLANTICO
CENTRAL, ZUIDWEST DI AZOREN
I NO TA UN PELIGER PA AREA DI CARIBE.
HORCAN MICHAEL TABATA SITUA ZUID- ZUIDWEST DI
PANAMA CITY, FLORIDA I TA

MOVIENDO NOORD- NOORDOOST. E SISTEMA AKI NO TA
PELIGER PA NOS REGION.

TORMENTA TROPICAL NADINE, TABATA SITUA WEST-
ZUIDWEST DI E ISLANAN CABO VERDE

I TA MOVIENDO NOORDWEST RIBA AWANAN HABRI DI
OOST ATLANTICO.

E SISTEMA AKI TA SOLAMENTE UN PELIGER PA
NAVEGACION MARITIMO.
POTENCIAL DI AWACERO PA PROXIMO 24 ORA: 1 TE 3 MM;
LOCALMENTE ESAKI

POR VARIA
REGISTRACION DI TEMPERATURA (CELSIUS) Y AWACERO
(MM) DEN

ULTIMO 24 ORA:
AIRPORT MAX 32 / MIN 26 / 0.2
PRONOSTICO DI TEMPO PA PROXIMO TRES (3) DIANAN:

LEVEMENTE TE PARSIALMENTE NUBLA CU
LOCALMENTE UN AWACERO.

BIENTO LO TA MODERA FOR DI DIRECCION OOST-
NOORDOOST TE OOST- ZUIDOOST;

DEN DIA BASTA FUERTE TE POSIBLEMENTE FUERTE DEN
RAFAGA;
TEMPERATURA MAX / MIN LO TA: 33/27

“Señor ta mi wardador, mi no tin falta di nada.
Den cunucu di yerba berde, E ta pone mi sosega
E ta hiba mi na awa trankil, pa mi bolbe haya forza”
Salmo : 23

Cu inmenso tristeza den nos curason pero agradecido pa tur loke nos a comparti cune, nos ta anuncia fayecimento di:

Clark J. Gomes

Mihor conoci como “Dudu”
*12-08-1944 - †09-10-2018

Acto di entierro lo wordo
anuncia despues.



Cacho a wordo venena

Diamars den oranan di mainta ayudo di Polis a wordo pidi pa un problema entre bisña supuestamente. E asistencia a wordo pidi na Primavera.

E patruya cu a bay na e sitio a papia cu e señora di inicial P. Segun e ta bisa, un dia prome el’ a mira un auto shinishi di marca Nissan Altima para dilanti su cas. Tambe el’ a mira cu e persona di e auto a tira algo den su cura, pero e no a preocupa mucho. E siguiente dia, esta ora di asistencia, a resulta cu su cacho a lanta morto. E ta sospechoso cu un persona a venena e cacho.

GRADICIMIENTO PA E EXITOSO CELEBRACION DI E 20 ANIVERSARIO DIA 4 DI OKTOBER 2018 NA KOYARI

The Voice of Jesus ta gradici di curazon y ta yama danki na tur esnan cu a bini pa e celebracion di 20 Aña di e aparicion di Hesus y di Mama Maria na Koyari.

Danki pa boso presencia y pa boso esfuerzo y un danki na tur esnan cu a contribui di un of otro forma pa haci e bunita anochi aki bira uno exitoso.

Cu Dios bendiciona boso tur grandemente. Den nomber di Vidente Valerie Perez.
The Voice of Jesus

TRIDIUM Y FIESTA PATRONAL BIRGEN DI FATIMA DAKOTA

Reverendo Pastoor Daniel W. Szpila, Pastoor di Parokia Birgen di Fatima Dakota ta invita tur esnan cu no por a asisti na nobena na honor di Birgen di Fatima, pa e tridium cuminsando diarazon 10 di Oktober pa 6.15 di atardi sigui tur dia pa Santo Sacrificio di Misa. Celebracion di Fiesta di

Birgen di Fatima lo ta diasabra 13 di Oktober cuminsando pa 6’or di atardi cu procesion den cayanan di Dakota sigui pa Santo Sacrificio di Misa Solem.

Boso presencia ta altamente aprecia.

“Bao di Bo proteccion nos ta tuma nos refugio, Santa Mama di Dios. No rechaza nos oracionnan na ora di mester, ma libra nos semper di tur peligro, Birgen Glorioso y Bendiciona.”

Misa Santa Teresita ta parti paña diasabra 13 oktober 2018:


E Comisión di Asistencia Social di San Nicolas di Parokia Santa Teresita, ta participa cu diasabra awor 13 oktober 2018 tin partimento di paña.

Esaki ta tuma lugar na Teresita Center for di 9’or te 11’or di mainta.

Por yama Zr. Graciela na telefoon: 564 4791 of na 584 3676 pa coordina cu ne, e dia y ora cu por habri Teresita Center pa entrega e saconan. Di antemano masha danki pa bo cooperacion.

“Señor ta mi wardador, mi no tin falta di nada.
Den cunucu di yerba berde, E ta pone mi sosega
E ta hiba mi na awa trankil, pa mi bolbe haya forza”
Salmo : 23

A bay sosega den braza di Señor:



Felix Roland Henriquez

Mihor conoci como “Roly” of “Tata”
*26-01-1954 - †07-10-2018

Na number di su:

Yiunan: Rayon Henriquez y Carlynn Quant
Rolyson (Sontje) Henriquez y Nyree Hart
Rosslynne Henriquez y Sherwin Schmidt
Su nietonan stima: Meyson, Rayshe, Alayna, Shervienne, Shane, Lukas y Xehnon.
Mama di su yiunan: Lourdes Werleman
Su Tata : †Angel Henriquez
Su Mama : Frida Lacle – Henriquez
Su Rumannan: Maria Henriquez y Famia Coby y Deta Henriquez y Famia
Silvia Henriquez y Famia Stella y Eferaldo y Famia Zaida Henriquez y Famia Lupy y Mariela Henriquez y Famia
Jaime Henriquez y famia
†Walty Henriquez
Waltruida Henriquez y Famia Pamela Henriquez y Famia

Tanta y Omonan, Subrina y Subrinonan, Prima y Primonan, Padrino y Madrinanan, Ihanan, Amigonan, Bisiñanan, Conocirnan, ex-Coleganan di A.N.A. y ex-Coleganan di D.O.W.

Y di mas Famia: Henriquez, Lacle, Werleman, Schmidt, Quant, Hart, Kock, Wever, Everon, D’aguilar, Sprok, Soliana, Tapia, Orman, Jacobs, Tromp, Zimmerman, Vrolijk, Donata, Dijkhof, Espinal, Loopstok, Greaux, Wong, Croes, Colussa, Kelly y demás famia na Hulanda, Bonaire y Venezuela.

Nos disculpa si den nos tristeza nos por a lubida algun Familiar.

Un Danki special na tur e Dokter, Nurse y Broederan di Dokter Horacio Oduber.

Ta invita tur amigo y conocirnan na e acto di despedida cu lo tuma lugar diabierna 12 di Oktober 2018 di 2’or pa 4’or di atardi na Aurora Funeral Home, sigi pa acto di cremación.

Oportunidad pa condolencia: Aurora Funeral Home, diahuebs 11 di Oktober 2018 di 7’or pa 9’or di anochi.

TA BENDE

**Un Celta 2003
pa Alf 600,- y 4
un Celta pa
pieza yama:
5608568**

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa tranquil, Pa mi bolbe haña forsa".
Salmo: 23

Cu inmenso tristeza na nos curazon, pero conforme
cu boluntad di nos Señor nos ta anuncia
e fayecimento di:



Sr. Raphael Johan Frederik Caster

Mihor conoci como "Feki"
*20-10-1935 - †07-10-2018

Na number di su señora:	Odette Caster-Molina
Yuinan:	Gregory Tromp Rafael (Ralph) y Brigitte Caster-Hendrickx (Hulanda) Carlos Caster (Inglaterra) Odette (Corry) Caster
Nietonan:	Kenneth Caster y Farzanah (Amber) Khan Joyce Caster y Wesley Lantieri
Rumannan:	Emilia (Ina) Caster y familia ?Hubertus (Betty) Caster y familia (Hulanda)
Sobrinonan:	Henry Kock y familia Carol y Jarvis Larmonie-Kock y familia Veron y Shohreh Albertsz-Tromp y familia ?Araldo y Pilar Caster-de Lima y familia
Ihanan:	Juan Ramiro Krozendijk Jofrani Arends
Cuidador personal:	Jeanne Laveau
Cuñanan:	Mina Lacroes-Molina y familia (Curaçao) ?Lilia Bouman-Molina y familia (Curaçao) Enid Molina y familia (Curaçao)
Amigonan di cas:	Shirley Ahluwalia, Iris y familia
Demas familia y amistadnan:	Molina, Hendrickx, Khan, Lantieri, Kock, Larmonie, Albertsz, Tromp, de Lima, Lacroes, Bouman, Añacho, Toppenberg, Kroon, Hupsel, Rodriguez, Coffie, Rosa, Tujovak, Calixte y Lindor
Bisninan:	Taytelbaum, Arends, Paula, Croes y Anthony

Nos ta desea di yama un danki special na su dokter di cas, Dr. R. Anthony, y su asistentnan, e verpleegsternan di Wit Gele Kruis y di wondenpoli.

Ta invita pa acto di despedida y cremashon cu lo tuma lugar diasabra, 13 oktober 2018, pa 9'or pa 11'or di mainta na Royal Funeral Home.

Condolencia lo tuma lugar diabierna, 12 oktober 2018 na Royal Funeral Home for di 7'or pa 9'or anochi.

Disculpa nos si den nos tristesa nos por a lubida algun familiar of conocirnan.

Despues di acto di cremacion nos no ta ricibi bishita na cas.

Catisashi pa Prome Santa Comunión y Bautismo pa mucha na Parokia Santa Filomena Paradera 2019

Pastor Toti di Parokia di Santa Filomena, Paradera ta participa cu preparacion pa Prome Santa Comunión pa Mei 2019 ta bay cuminsa den Parokia. Esaki ta specialmente pa muchanan cu ta pertenece na parokia di Paradera. Tur mucha cu ta pertenece na parokia di Paradera cu ta den klas 3 di school basico di un school NO catolico por inscribi. Inscripcion ta cuminsa dialuna 15, diarazon 17, diahuebs 18 y diabierna 19 di Oktober 2018 na pastorie di Parokia mes cuminsando 5'or di atardi te 6'or y mey.

Mester trece un copia di prueba di bautismo y e suma di Afl 65,= pa gasto di material pa les, bela y certificado etc. E prome les ta cuminsa diaranson 24 di Oktober 2018. E muchanan mes mester trece material pa skirbi. E lesnan ta un biaha pa siman. Como parti di preparacion e muchanan hunto cu nan mayornan tin cu asisti tur weekend na Santo Sacrificio di Misa, sea diasabra anochi 7 or, diadomingo mainta



10 or of atardi 5:30 or.

Pastor y Catekistanan ta spera cu mayornan tambe ta involvi den e preparacion pa yuda guia nan yiu pa asina nan ricibi nan Prome Santa Comunión cu hopi amor y debocion.

Tambe tin inscripcion pa

Bautismo special pa mucha di 7 aña pariba y pa esnan cu ta bay ricibi y no a batisa ainda tambe por inscribi riba e fechanan menciona ariba. Contribucion pa les di bautismo ta Afl 10,=, lesnan ta cuminsa diahuebs 10 di Januari 2019.

PUEBLO A HAÑA SU PEN BEK

Pa kualkier informacion
solodipueblo@gmail.com
or
585-9500

Oracion di Dia

Bon dia rumannan y cu Dios drama awacero di bendicion riba nos

Awe Hesus ta papia cu nos den Su Palabra y ta muestra nos cu nos mester laga Spirito Santo guia nos bida pa algun dia nos por alcanza e santidad.

Si nos sa di duna nos sernan keru tur loke ta bon cuanto mas nos Tata cu ta den shelo lo sa di duna nos loke E ta haya ta bon pa nos. Nos Tata tey pa nos 24/7 y nunca su porta ta cerá pa nos.


Nos mester acudi na dj'E cu confianza y fe di un yiu y guia pa Spirito Santo cu ta e guia di nos alma y nos maestro interior. Nos Tata por duna nos hasta mas di loke

nos ta spera basta nos tin fe, nos keda insisti y keda fiel na dj'E. Lucas 11, 5-13.

Oracion: Danki Tata pa duna nos Bo Spirito Santo pa dirigi nos bida y tuma control over di henter nos ser.

Yuda nos keda fiel na Bo cu hopi fe y confianza den Bo cu ta nos Tata y pa semper nos acudi na Bo cu por duna nos mas di loke nos por spera den nomber di Cristo Hesus nos Señor.

Amen.



ARUBA QUALITY DEALS VEHICLE & NAUTICAL


**Call today for a road
test. 569 4343**

Ta garantiza durashon di motor, transmishon
por scan e vehicle prome cumpre.



Honda Civic 2013

**" nos ta contento di judabo cu un bon auto y ta aporta
bek na comunidad di Aruba regalando bon di coriente
prepago pa esnan cu ta echt den nezesidad awe por
jama e mes number 4343 "**



**Toyota Camry 2007. Riding kadlak
kadlak y ta economico. Motor 4 cyl.**



**BMW 6X - 2016
REALLY GOOD AFORDABLE PRICE.**



**Lexus 2006 - Full equipped.
Call 5694343 - For road test.**



**ELANTRA 2013
REALLY GOOD AFORDABLE PRICE CALL 5694343
FOR ROAD TEST**



**Scooter. 2018
3800 fl.**



**Nissan Leaf 2011. 50000km Electric car
0 emishon. 13000 fl.**



**Yaris 2015 - 19500 fl.
Good condition. 80000 km.
Call 5694343 for road test.**



**Beetle. 2004
9500 fl autm full equipped.
Call 5694343.**

BUS H1 2005 DIESEL AIRCO 6800 fl

performance. 13500 fl



**Toyota corolla 2007
Good condition
Autm.airco.full serviced.
Garantia di dos anja. 7500 fl.
5694343**



**IGNIS 2010 AUTM.AIRCO
5500 FL. 120 MIL KM**



BMW 2006 V8 12500 FL



**Hyundai accent 2005 - Full serviced. Garantia di dos anja
Very good condition. Airco,alarm - 8500 fl.**



Pick s10 V6.std. 5250 fl. Goodprice.



**Kia Picanto 2013
9500 fl call today
5694343 for road**



**Kia sportage 2010 Low mileage
Autm. Airco. Only 12500 fl.**




**Honda Accord 2014.
Really great condition.
Call 5694343 for road test.**




**FORD ESCAPE 2009.
GOOD AS NEW. 14800 fl. .
4YL.ECONOMIC.**



Ford escape 2013. 35000 fl



**Aveo 2008.
5800 fl. Std. Good condition**



**Dodge Caliber 2008
70 000 km. 7800 fl**